

廣東通志

內閣文庫		漢書類
三九六九	三九六九	
六九二	六九二	
函	冊	
四六	一〇	

內閣文庫		漢書類
三九六九	三九六九	
六九二	六九二	
函	冊	
三九	三	
(二二五九)		

自卷二十七
至卷二十八

內閣文庫	
番號	漢 3969
冊數	692 (522)
函號	291 97





廣東通志卷第二十七

民物志八

預備

卹典

淺草文庫



孟子之言王道也使民養生喪死無憾而已周禮
行至于戰國吳越相雄然遺人之掌委積廩人

之治豐凶周禮遺人掌邦之委積以待施惠鄉里
養老孤郊里之委積以待賓客野鄙之委積以待
羈旅縣都之委積以待凶荒廩人掌九穀之數
以待國之匪頒調賜稍食以歲之上下數邦用以
知足否以詔穀用以治年之豐凶凡萬民之食食
不能人四輔上人也人三輔中也人二輔下也若食
踐之世預備遺意猶存焉至於大司徒保息之政
養老賑窮卹貧寬疾醫師掌醫政以愈民疾病死

廣東通志卷第二十七

民物志八

二

癘稽事制食十全爲上月令孟春掩骼埋胔則卹
典是也粵人占年濟饑亦旣肇其端矣吾廣瀕海
之地大都皆瘠土之民番禺都會土稍近沃而苦
於施奪洪武優恤之意名在實亡其亦久矣有不
忍人之心者可弗脩舉哉故歛入之數旣有司存
而廩窮攸設良法所當求者咸謹書之重民食也
養濟之所惠民之局漏澤義冢亦皆書者孟子所
謂王道之始也惠而不費勞而不怨其是之謂平

預備

越王句踐問范子曰古之賢主聖王之治何左何右

何去何取范子對曰臣聞聖王之治左道右術去末
取實越王曰何謂道何謂術何謂末何謂實范子對
曰道者先天地生不知老曲成萬物不名巧故謂之
道道生氣氣生陰陰生陽陽生天地天地立然後有
寒暑燥溫日月星辰四時行而萬物備術者天意也
盛夏之時萬物遂長聖人緣天心助天喜樂萬物之
長故舜彈五絃之琴歌南風之詩而天下治言其樂
與天下同也當是之時頌聲乃作所謂末者名也故
名過實則百姓不親附賢士不爲用而外嚮諸侯聖
王不爲名也所謂實者貯八穀得人心任賢士也凡

此四者邦之寶也越王曰躬行節儉下士求賢不使
名過實此寡人所能行也多貯穀富百姓此乃天時
水旱寧在一人耶何以備之范子曰湯舉伊尹收天
下雉之士練卒兵率諸侯伐桀為天下除殘去賊
萬民皆歌而歸之是所謂執其中和者越王曰善哉
中和所致也寡人雖不及賢主聖王欲執其中和而
行之范子曰知保人之身者可以王天下不知保人
之身失天下者也越王曰何謂保人之身范子曰天
生萬物教之以生而人得穀即不死故保人之身能
保穀而已矣越王曰寡人欲保穀為之柰何范子對

曰王欲保穀必親駕於野睹諸多少以為備越王曰
睹所多少因其貴賤亦有應乎范子曰夫八穀貴賤
之法必察天之三表則次矣越王曰請問三表范子
曰早潦者水火之徵兆也觀其所勝而早備之貴可
期賤原其終始夫水之勢勝金陰氣蓄積大盛水據
金而死故金中有水如此者歲大敗八穀皆貴金之
勢勝木陽氣蓄積大盛金據木而死故木中有火如
此者歲大美八穀皆賤金木水火更相勝此天之三
表者也不可察能知三表可為邦寶不知三表身
死棄道越王問范子曰何執而昌何行而亡范子曰

執中和則昌行奢侈則亡古之賢主聖君執中和而
原其終始則尊位安而萬物定不執其中和不原其
終始則尊位傾而萬物散文武之業桀紂之跡可知
矣湯有七十里文武起于百里發號施令必審於四
時及至後昆自滅至亡漸漬乎滋味之費沒溺於聲
色之類牽牽於珍恠貴重之器故其邦空虛因其士
民以爲須臾之樂百姓皆有悲心瓦解而倍畔者桀
紂是也身死邦亡爲天下笑此謂行奢侈而亡也越
王曰春肅夏寒秋榮冬泄人治使然乎將道之常也
范子曰夫陰陽錯繆卽爲惡歲人上失治卽爲亂世

夫一治一亂天道自然八穀亦一貴一賤極而復反
故天生萬物之時聖人命之曰春不生遂則天不重
爲春生焉春者夏之父也故生之夏長之秋成而殺
之冬受而藏之春肅而不生者主德不究也夏寒而
不長者臣下不奉主命也秋順而復榮者百官刑不
斷也冬溫而泄者發府庫賞無功也此所謂四時者
邦之禁也臣聞陰陽氣不同處萬物生焉陽者主生
方夏大熱不無則物不成遂陰氣主殺方冬地不內
藏則根芟敗而春無生故一時失度則四序不行越
王曰善寡人已聞陰陽之事八穀貴賤可得而知備

乎范子曰陽者主貴陰者主賤故當寒而不寒者穀
爲之暴貴當溫而不溫者穀爲之暴賤譬猶形影相
見聲響相問豈得不反哉故曰秋冬貴陽陽氣施於
陰陰極而復貴春夏賤陰陰氣施於陽陽極而不復
夫陽動於上以成天文陰動於下以成地理天有門
地有戶謹察開置之要可以爲富謹司八穀初見出
於天者是謂天門開地戶閉陽氣不得下入地戶故
氣轉動而上下陰陽俱絕八穀不成大貴必應其歲
而起此天變見時也謹司八穀初見入於地者是謂
天門開地戶不閉陰陽俱會八穀大成其歲大賤來

年大饑此地變見瑞也謹司八穀初見半於人者糴
平孰無災害故天倡而見符地應而見瑞聖王上知
天下知地中知人此之謂王德平圖應天地之符夫
陰入淺者則歲善陽入深者則歲惡幽幽冥冥宜豫知
未形故聖人見物不疑是謂知時越王曰善以丹書
帛置之枕中以爲邦寶

越絕書

廣南谿洞之西有春堂以渾木剝爲槽一槽兩邊約
十杵男女間立以舂穀爲糧鼓磬槽舂皆有遍拍槽
聲若鼓聞于數里雖思婦之巧弄秋砧不能比其流
亮也十戶爲倉以備凶歉

漢光武建武六年令郡國有穀者給廩高年鰥寡孤獨篤癯無家不能自存者

宋開寶四年劉鋹平詔賑廣南管内州縣鄉村不接濟人戶委長吏於省倉內量行賑貸候豐稔日令只納元數

本朝洪武初令天下縣分各立預備四倉官爲糴穀收貯以備賑濟就擇本地年高篤實民人管理

正統五年奏准各處預備倉凡侵盜私用冒借虧欠等項糧儲查追完足免治其罪其侵盜證佐明白不服陪償者准土豪及盜用官糧論罪仍令巡撫等官

兼總其事又令軍民人等各驗丁田自願出粟備荒者聽從其便官府不許逼抑科擾又令各處預備倉或爲豪民占據責令還官或年深損壞量加脩葺其倒塌不存者官爲照舊起蓋又令各處預備倉凡民人自願納米麥細糧一千石之上雜糧二千石之上請勅獎諭又議准納穀一千五百石請勅旌爲義民仍免本戶雜泛差役二百石以上立石題名免本戶雜泛差役二年又令各處總理預備倉糧官除富有之家願出糧米賑貸外其餘不許逼抑損民及有借過糧米若係災傷去處暫候有收着令還官

成化六年奏准預備救荒凡一應聽考吏典納米五十石免其考試給與冠帶辦事在外兩考起送到部未撥辦事吏典納米一百石在京各衙門見辦事吏典一年以下納米八十石二年以下納米六十石三年以下納米五十石免其考試就便實撥當該蒲日俱冠帶辦事各照資格挨次選用又令在外軍民子弟願克吏者納米六十石定撥原告衙門遇缺收叅又令各處預備倉州縣掌印官親管放支不許轉委作弊仍令布按二司及各府知府禁革奸弊
成化七年勅脩舉預備四倉洪武年間每州縣各設

預備四倉所以廣儲畜備旱澇著在令典民咸賴之比年所司因循廢弛視爲虛文是以一遇饑荒民無仰給今特命爾等脩舉預備之政勅至爾布政司按察司掌印官即督同各府州縣正官將原設四倉查勘有無見在糧數若干多寡除見有外應該添糧若干先儘各處在官贖罰等項錢糧支給收納及令囚犯照例納米贖罪如有不敷或於存番糧內借撥或於各里上中戶稅糧內米正糧一碩另勸米麥其五升或有可行從宜區處如里分用糧數多原設倉廩不敷收貯亦須量爲添益遇饑荒照例賑給成秋之

日抵斗還官如連年豐稔倉糧亦湏易新勿令腐爛其看倉大戶老人於附近里分僉點殷實有行止之人克當不許濫設敢有不行用心看管有通同官吏插和糠粃沙土實收虛放侵欺作弊使小民不受實惠者爾等就行拿問治以重罪其軍衛屯所原設有預備倉爾都布二司掌印官一體督同衛所正官并屯田官員照例整理爾三司并府州縣衛所該管官員務要遞相督率十分用心從長區畫三年之內務臻實効不許仍前怠慢虛應故事如違許巡按御史通同糾舉應拿問者就便拿問應奏請者叅奏究治

爾等每遇歲終將收過倉糧數目從實奏報毋或稽遲故勅

二十一年詔軍衛有司預備倉糧有例見行官吏人等奉行不至多無成效今後軍衛每一百戶所有司每一里務要措置或勸借等項各以二千石爲額驗時豐凶歛散年終常要將額數收除實在數目開奏有能多積至一半或兩倍者量加旌擢巡按分巡分守官員時常往來督理

弘治三年定預備倉糧事例有司每十里以下務要積糧一萬五千石軍衛每一千戶所積糧一萬五千

石每一百戶所三百石每三年一次查盤有司少三分者罰俸半年少五分者罰俸一年少六分以上者九年考滿降用軍衛不及三百之數者一體住俸十年奏准凡三年一次查盤預備倉糧除義民情願納粟囚犯贖罪納米外但有空閑官地佃收租米及贓罰紙價引錢不係起解支剩無礙官錢盡數糴米二年之內不足原數別無設法者俱免住俸參究嘉靖六年詔各處雖有預備倉多無積蓄遇有饑荒無從賑給撫按二司督責有司照依見行事例設法多積穀米以備救荒仍依倣古人平糴常平之法春

間放支以賑貧民秋成時月抵斗還官不取其息如見在米穀數少各將貯庫官錢并問過贖罪折紙銀兩趁秋成之時委的當官員糴買比時估量添二三文庶來者輻輳易於收積府以一萬石州以四五千石縣以二三千石為率明立簿籍查考一遇凶荒減價糴與窮民仍禁約奸豪不許隱情捏名多買罔利事發重治

廣州府

南海縣預備倉二所

一在省城西偏一在黃岡都寧口村

番禺縣預備倉

在府城東宋天禧四年荆湖廣南皆增制常平倉今沿其法

順德縣預備倉三所

東莞縣預備倉七所

增城縣預備倉二所

香山縣預備倉二所

嘉靖二十五年知縣鄧遷勘
 量三竈餘田歸官者歲收其
 穀入倉備賑申詳勘得黃梁都三竈地方土名橫
 粵蕉園即聖堂等田段一項土名春花園東自春
 花園山嘴北至聖堂屋邊東邊橫四百二十步
 中橫三百八十四步西橫三百三十步中直六百
 一十步內除水渠不科外實該田九頃六十一畝
 四分一畝項土名春花園東自春花園山嘴西至石
 嘴北邊橫四百一十五步中橫二百四十步南邊
 橫四百一十二步自北而南直長三百五十五步內
 除水渠不科外實田四頃七十三畝六分一畝土
 名南坑葉屋邊一直南至南村山岑中直一百步
 橫各二百五十七步內除水渠不科外實田一頃
 零六畝二分三釐共該田一十五頃四十一畝三

分三釐今惟裁節豪強銷患海島備將勘量出前
 項餘田一歸諸官照依別省公田追納官租事例
 盡數歸官聽令黃梁都一圖附近排年唐國進
 黃梁都等共二十一畝候允將前田分為二十一
 每分該管田七十三畝三分九釐六毫通年每畝
 追納官租八斗內將一斗照依輕齋折色每米一
 石納銀三錢事例解赴本布政司收庫以備軍餉
 餘穀七斗各赴本縣預備倉上納通年該租穀一
 千零七十八石九斗三升一合以備賑濟凶年之
 用下屆造冊就本都冊內附立預備倉一戶將前
 田稅畝每畝四升一畝三升三釐二合一畝一
 一十五畝四十一畝三畝三分三釐共該正耗米四
 九石四斗七升六合七勺各排年唐國進等姓
 名各收籍該冊庶地有常產歲有常餼豈惟凶荒
 足賴而地方軍旅亦足支持矣巡撫都御史歐陽
 必進及按察司帶管分巡副使黃光昇俱各批允
 依擬
 永行

新會縣預備倉

正統五年建于四
 鄉十四年寇廢

新寧縣預備倉缺

清遠縣預備倉二所東預備倉在麗江鄉西預備倉在山川壘前成化二十二年

年知縣黃諒立

龍門縣預備倉在儒學右

三水縣預備倉缺

從化縣預備倉在城隍廟左正德十一年知縣黎鐸建嘉靖十四年重建

連州預備倉在千戶所西南凡四廩正德三年知州張書鯉脩建

陽山縣預備倉東倉在縣治東西倉在縣治東北倉在縣治東今改作存留倉

連山縣預備倉廢今

韶州府

曲江縣預備倉在嶺南道後嘉靖十八年知縣胡德純重脩

樂昌縣預備倉二所一在縣治東一在縣治西各廩房六間

仁化縣預備倉在存留倉西

乳源縣預備倉在縣治東正德十一年建

翁源縣新預備倉舊倉在縣治南門嘉靖十五年知縣鄭驥因其窄隘知縣曾拯

議以陰陽醫學并府館餘地改建共二十四間南京吏部尚書湛若水有記

英德縣預備倉在縣城外龍頸街正統五年創廩

靖十四年知縣何世綸重脩清溪滄光象岡各預備倉一所俱成化二十二年通判伍惠建今廢

南雄府

保昌縣預備倉四所東在東廂都西在小北門外南在延福一都獎田北在靈

潭一都裏東俱
正統年朔久廢

始興縣預備倉二所
興義廠在縣東二十步尚義
廠在縣東一百里俱正統六
年設成化六年
知府謝瀛重脩

惠州府

歸善縣預備倉四所
一在欣樂驛側一在縣儒學
東嘉祐寺舊址一在下廓通

運所舊基一在馴雉都俱正統五年建今併于驛
側知府吳至以倉穀在外設有變豈不為寇資耶
自後罪穀皆入受納倉俟
建倉于城不果今仍舊

博羅縣預備倉四所
在鐵冶仙福新集羅仙四都
俱正統五年設今廢與縣
併建在
縣署左

海豐縣預備倉
在縣東三里嘉靖九年
知縣陳一善徙建於此

河源縣預備倉四所
一在藍口巡司一在長吉巡
司一在藍口巡司一在忠信巡

司洪武二年縣丞鍾鑑建
今併為一徙縣署倉側

龍川縣預備倉
在縣西城内成化
中知縣秦宣建

長樂縣預備倉二所
在黃浦下洋二村
俱正德五年設

興寧縣預備倉
舊有四所景泰四年知縣舒詔置
於郭外四鄉東和山南梓捍西茅

塘北陳坑天順辛巳寇燬成化丁亥知縣奉宏改
建一所於城內與縣署對峙後殿知縣黃國奎
重建

和平縣預備倉
在城北
城內

潮州府

海陽縣預備倉二所
一附永豐倉一在隆津龍湖
村後徙于下水門左今廢址

存

潮陽縣預備倉四所 一在新興鄉 一在興仁鄉 一在奉恩鄉 一在豐歡鄉

揭陽縣預備倉三所 一在雙峯 一在東嶽 一在城隍 一在東嶽今併

程鄉縣預備倉 通判陳碩重建 俱在城西

饒平縣預備倉 舊在城西 西北嘉靖十六年 知縣翁五倫建於舊址

大埔縣預備倉二所 一在際畱倉左 一在縣申明亭後

惠來縣預備倉 在縣架閣庫之西 知縣何英才建

肇慶府

高要縣預備倉 在府治西 城隍廟之右 成化年間 建厥五間 原有六處 一在府治東

即舊東嶽廟地 一在城外東臨迎恩坊 一在蓮塘 都綠村 一在橫查都茶園 一在上倉步青玉岡 一

在崧臺書院東 即舊通 運所地 以上六處久廢

四會縣預備倉三所 一在城內 與廣盈倉同地 嘉 靖六年 知縣張璽鼎建 一在

大圃都劉阜村 成化七年 縣丞莫讓建 一在寺山 都上林村 成化七年 主簿張宿建 今併附于廣盈 倉

新興縣預備倉 在城內 縣廳西 成化三年 本府經 歷吳浩建 成化八年 知縣項德輝

重脩

陽春縣預備倉 在城內 成化七年 知縣黃澗重建

陽江縣預備倉 在縣東 成化七年 知縣方嵩建

高明縣預備倉 在縣治東 成化十年 知縣唐簡建

恩平縣預備倉 在縣儀 門之西

德慶州預備倉二所一在城內州治東北關王廟左一在城內州治東北關王廟

村成悅城鄉箭一在悅城鄉箭

龍水縣預備倉在城內正統十四年知縣周剛建

封川縣預備倉在縣治之左成化五年知縣萬顯脩建

開建縣預備倉在縣治之右成化七年知縣陳琳建

高州府

茂名縣預備倉在城內縣治後成化元年建

電白縣預備倉

信宜縣預備倉正統五年建弘治十三年脩

化州預備倉在州治東南未樂十四年建

吳川縣預備倉在廣積倉之南未樂十四年建嘉靖八年重建

石城縣預備倉在縣都未樂十四年知縣王興義建

廉州府預備倉嘉靖七年同知章諱始建在廣儲倉內

合浦縣預備倉

欽州預備倉舊在州城外洪武五年建成化九年知州傅鑑移建州治之西南歲久傾圮嘉靖十一年知州程賢就未豐倉內重建

靈山縣預備倉在存晉倉之西僉事林錦建分天六年縣丞沈鸞祐地人三厥今只存晉一厥嘉靖十年倉內建官廳門樓

雷州府

海康縣預備倉

遂溪縣預備倉在縣西北儒學後嘉靖十年知縣張惠建

徐聞縣預備倉在縣治北

瓊州府預備倉在城西北成化三年建

瓊山縣預備倉五所一在南橋一在蒼驛一在大一在縣門外申明亭之西成化間知縣梁昕增設今俱廢

澄邁縣預備倉四所一縣門一倘驛俱久設為義一北畔在保義都一西峯

在那蓬都俱成化八年知縣徐鑑增建

臨高縣預備倉二所一在縣門一在縣西成化八年建

定安縣預備倉在縣堂左即靈官祠今改為存留倉

文昌縣預備倉二所一在縣東南正統六年縣丞一在縣北成化八年

知縣宋經建至弘治間二倉俱壞知縣莫方申准折價貯收縣庫備賑

會同縣預備倉在縣治東成化八年知縣陳劍建

樂會縣預備倉在縣北正德六年改建

儋州預備倉二所一在治西南成化八年一在州治西北

昌化縣預備倉在赤坎村成化八年建

萬州預備倉二所在州治東成化八年知州梁拒建久廢

陵水縣預備倉在縣南成化八年建

崖州預備倉二所一在州城一在三亞一在樂羅俱成化八年建

感恩縣預備倉附縣治東成化八年建

東萊呂氏曰荒政始於黎民阻饑舜命棄為后稷播

時百穀所謂禹之水湯之旱民無菜色成周大司徒以荒政十二聚萬民三十年之通制國用則有九年之蓄天下各有廩藏所遇凶荒則賑發濟民而已春秋戰國王政既衰秦饑乞糴于晉曾饑乞糴于齊所謂九年之制固已壞矣漢武帝詔令水潦移於江南方下巴蜀之粟致之江陵唐西都不登關中之粟不足以供萬乘則幸東都自高祖至明皇不特移民於粟且有逐糧天子之語李愔之平糴非先王之政至於移粟設粥其策又爲下矣統而論之先王有預備之政上也使李愔之政脩次也所在蓄積有可均處

使之流通移民移粟又次也咸無焉設糜粥最下也漢載入關中販粟者免稅粟遂流通田里之民令豪戶各出穀而與之富鄭公在青州處流民於城外寄居游士分掌其事不以吏胥與於其間趙清獻公在會稽不減穀價四方商賈輻輳雖古今不同法皆施用今但舉而措之耳

鄉禮賑荒歉十二條

凡遇荒歉異常約正查社內貧民及流民多寡量行造米或糶取錢及銀以濟其急或移民就粟或轉粟就民隨宜斟酌十五歲以上每口日支米壹升十五

歲以下每口日支米五合如不願米折錢或銀與支
若民口數多患其擁併令各家用紙半幅上書某家
口數若干合請米若干或錢若干實貼各人門首壁
上直月具數同各牌甲領出沿門審實給散開數送
社學約正等公同老人筭結登于文簿

凡官司賑濟多虛應故事難於周備或委非其人以
致冒名關領詭名盜支等項情弊多端今鄉約保正
既行人各相識上中下三等富戶及三等之下俱平
日素定牌甲分領又易周備然猶有二慮一曰遲緩
二曰侵欺遲緩則餓死數多侵欺則民不沾惠宜誓

於里社互相誓戒敢有將米穀錢銀領出而打故渥
緩不行意在侵欺圖利銀或換以低假錢或換以新
破者約正教讀人等公與檢舉革退出社仍送官重
治

凡大荒之年倘人衆穀盡約正等當念人命關天不
宜坐視與同約衆公共措置差人四散收糴米豆歸
本社內或依原價出糴或照前法賑給

凡流民大餓入境者作粥人給一碗粥要極稀毋令
至飽若時氣相染成病者預醫藥直月同保甲沿
路沿門給散死者作急霍人一痊毋令暴露薰蒸

凡社內稍豐而鄰社大荒閉糶及糶而索價過多者皆紀其過于籍以行罰若糾眾搶劫穀禾者保甲嚴行巡察違者以強盜送官重治

凡遺棄小兒於道路責付無子之家收養長作義男使用有慮他日父母認取推托不收者日支米五合長克社夫不得歸宗

凡饑饉後民無牛者人給一具於息穀內動支保甲立數在簿冬收取回原價不許因而拖負
凡救荒有藥餌服之可以不饑曾經效驗者依方脩合人各給與於息穀內動支

凡流民數多分與各保甲管毋令生變社內壇屋圩岸橋梁道路之類相應脩建者每精壯五人挾帶老弱五人泝一排甲管之散處其人代為造飯以便薪水免其自費各與工脩建若一切不急之工則皆停止流民既以存活願留者編入保甲與之牛具種子趁時耕作其不願留者量給口糧發回故鄉各書姓名扣筭支過數目并發同年月以憑查考

凡賑穀不足約正查本境內山林陂澤之利可資以生者與教讀等具呈上司聽貧民流民擅取

凡凶荒之年要使男女相保
正等於保甲內查將

昏而未成婚者減殺其禮責
完聚或出錢穀助之
於息穀內動支

凡凶荒之年以喪禮從事社學收藏樂器不得歌詩
奏樂社祭牲酒量行減省備賑
直月同保甲逐年收
補倉厥簿書鎖鑰約正人等公共分掌倉內屋宇什
物管倉鄉老人等常切照管不得毀損及借出他用
損失者教讀同約正約副根究
倍償一應事宜聽從
民便共公措置有司不得干預
抑勒若儲蓄出納之
數歲終各送文簿赴在城四隅
館以憑查考情弊
不明者各呈送治罪

郵典

養濟院

由心民藥局

義塚

漏澤園

粵人占年以知凶荒農家以正月十五夜月明時建
木表于地據表尺五之長而中分之為七寸半者二
上為天門下為地戶月景適及七寸半是謂天地之
中其年必豐家慶年登發穀賑窮下及則旱少過則
水預治藥餌拯溺壅死此與越絕書測術天門高五
寸減天寸六分以成地者蓋大同而小異又謠曰夏
無青凍穀土有種冬熱無寒穀土俱乾按逸周書立
夏之日騶駟不鳴潦水淫漫五穀不成立冬之口水
若不冰陰道不貞五穀不成粵人占年類此不可謂

其無稽也越絕書范子占歲之言也

周官大司徒之職以慈幼養老賑窮卹貧寬疾之道
佐天子保安萬民傳亦云孤獨矜寡天民之窮而無
告者也皆有常餼蓋任天下之重司生民之命一夫
不獲其所若已推之溝中斯堯舜之用心也中代而
下哲王繼踵取憲前軌勒恤人隱乃有衰其惇獨軫
其凶沴賜穀帛以助其養葺蘆合以寧其居流徙者
加之存憫天札者與之藏歛復丁年以待老闕寬鄉
以利民獸爲暴爲之驅除行所過者賦以物直蒐狩
之所及成者其侵暴寒暑之遘厲資以醫砭以至羣

司百執恪居朝夕或畏景流樂嚴颶票烈塗潦沮洳
亦免其朝謁斯皆在人上者厚下安宅表微隱惻之
至也詩曰嗇矣富人哀此惇獨易所謂損上益下民
說無疆者是之謂歟

洪武元年詔鰥寡孤獨廢疾不能自養者官爲存恤
洪武七年詔各處鰥寡孤獨并篤疾之人貧窮無依
不能自存者有司從實取勘官給衣糧養贍爲屋宇
以居月給米三斗及柴薪冬夏給布各一疋

洪武十九年詔所在鰥寡孤獨取看明白果有田糧
有司未曾除去差撥者詔書到日即與除去設若無

可自養者官歲給米六石其孤兒有田不能自爲既免差役有親戚者有司責令親戚收養無親戚隣里養之毋得失所其無田有司一體給米隣里親戚收養其孤兒名數分豁有無恒產以壯來聞候出幼開名立戶當差

洪武三十五年詔所在城市鄉村凡有骸骨有司卽爲殮收埋塋毋得暴露

永樂十九年詔鰥寡孤獨及篤廢殘疾者有司依例存恤毋令失所其民年八十以上有司給與絹三疋酒一斗肉十斤時加存問

天順八年二月詔若曰其有孤老殘疾不能生業卽便收入養濟院照例給與衣糧毋令叫街乞食違者罪之

成化二十三年詔在外有孤老殘疾不能生業者卽便收入養濟院照例給與衣糧已收者仍賜米二斗弘治十八年詔鰥寡孤獨廢疾不能生業者卽便收入養濟院照例給與衣糧毋致失所已收養者人各賜米三斗

嘉靖六年詔各處俱設有養濟院但有司不能用心稽考衣糧柴薪不得以時關給今後撫按上司督責

有司務將境內鰥寡孤獨篤廢之人照例收養應得柴米不得少缺

廣州府

南海番禺二縣養濟院二一在府城內惠民藥局

在府城西成化中建設內外科醫者司局事 延祥

寺叢塚宋紹興九年張經畧致遠創舊有廣惠菴

廢宋紹定間趙運使師指因超悟寺叢塚宋慶元

園故址立亭建塔仍扁廣惠超悟寺叢塚宋慶元

經畧天王寺掩骼所潘經畧嘉元年萬勝寺義塚宋

定十六年周覺性寺叢塚宋紹定三年方六祖寺

澤園三一在府城大北門外專以埋瘞麗于刑者

民及無主者

順德縣養濟院在阜南門外知縣吳廷舉支官錢

為堂官府卹問之所左右屋各二十楹無告之人

君焉月給米二斗冬夏布各一疋死給棺一具

漏澤園在金榜山之北凡死無所歸者葬焉

東莞縣養濟院二一在縣城東南惠民藥局舊在縣

廢漏澤園舊在縣城南山

增城縣養濟院在縣北漏澤園缺

香山縣養濟院在縣北後岡洪武五年知縣蔡惟溥重脩

院屋三間左右漏澤園缺

孤老屋三間

新會縣養濟院一在縣城北西 惠民藥局在縣漏

澤園缺

新寧縣養濟院在縣東門外嘉靖十二年署縣事

建正廳一座三間為官府巡視之所為風類未脩

清遠縣養濟院在社稷壇久廢 漏澤園在城外西北隅二

御史朱公欽行縣築墻

龍門縣養濟院漏澤園俱缺

三水縣養濟院漏澤園俱缺

從化縣養濟院在城北三里 漏澤園在城北二里

連州養濟院在州城東南 漏澤園缺

陽山縣養濟院在縣治北社稷壇右弘義阡在縣

北二里周圍四十餘丈弘治元年知縣李茂創

巡撫兩廣都御史朱

從葬皆無禁焉 連山縣養濟院在縣城西十步弘治 漏澤園今廢

韶州府

曲江縣養濟院元時在城西南隅洪武五年遷于

創于今 漏澤園在西門外

樂昌縣養濟院在儒學西 漏澤園在縣治西

仁化縣養濟院在縣東城外 漏澤園在縣治北

乳源縣養濟院在縣東半里 漏澤園在斗門山上

翁源縣養濟院

在縣西

漏澤園

缺

英德縣養濟院

在明化

漏澤園

在縣北

南雄府

保昌縣養濟院

宋曰安濟

在孝第坊

舊縣學

東慶

間知州張有脩元廢

國朝洪武

丁巳知縣

康子

正

山初於七城東門外南成化戊戌知府江璞脩正

德乙亥李吉遷賓陽門內稍

漏澤園

在府南

弘治癸

亥知縣徐弼初

始興縣養濟院

在縣東二里

正德八年

知漏澤園

在城南一

都五里山

惠州府

歸善縣養濟院

舊下廓今

惠民藥局

元在府治前

洪武中於其

址建醫漏澤園

在下廓大路

惠州官塋

枯骨銘

有宋

紹聖三年官塋暴骨于

是日人耶隨命而

徂有未

其主矣東坡居士銘

其藏曰人耶隨命而

能然宅此枯顛後有

君子無廢此心陵

谷變遷復

棺衾之又祭文爾

等暴骨于野莫知

民皆吾赤子恭惟

朝廷法令有掩

豁之文監

可

舉行無吝財之意

是朝一新此宅未

大豕傷殘蝼蟻穿

穴但為叢塚罕致

全軀幸天

恨

居而靡爭義同

兄弟成解脫而無

博羅縣養濟院

在縣西

洪武十五年

知縣吳賢

漏

澤園

在縣西北

二

海豐縣養濟院

在縣東北

嘉靖十五年

漏澤園

在縣北

里

海豐縣

養濟院

在縣東北

河源縣養濟院在縣北洪武八年漏澤園二南門在

老城之內一在

龍川縣養濟院在縣西城內洪武十惠民藥局在

南稅課局基內成化漏澤園在縣西二

八年知縣鄭儒建長樂縣養濟院在縣北知漏澤園

興寧縣養濟院在縣西一里舊在城南洪武十四

縣吳偉於今所重建三十一年主簿蘇一漏澤園

捕重脩共二十四間周圍五十九丈二尺

和平縣養濟院在縣北三里洪武間周弘治乙丑知縣

潮州府惠民藥局在正街西

海陽縣養濟院在北門漏澤園在南門外

潮陽縣養濟院在縣治東義阡所在縣治外東南

五所

揭陽縣養濟院在朝天坊知縣謝寧建惠民藥局

在大街之西南市巷口之北為市民侵嘉靖漏澤

園三一在東門外之南一在北門

程鄉縣養濟院在縣西南四

建

饒平縣養濟院在縣後漏澤園在縣南

大埔縣養濟院在山川壇右嘉靖八年知縣方琦

漏澤園 缺

惠來縣養濟院

在北門舊學地西知縣蔣恩建後毀于颶風

漏澤園 缺

肇慶府

高要縣養濟院

在城北門外二里上窰坊 漏澤園 缺

四會縣養濟院

俱 惠民藥局 洪武十六年建今廢

新興縣養濟院

漏澤園 缺

陽春縣養濟院

漏澤園 缺

陽江縣養濟院

在南門外一里 漏澤園 缺

高明縣養濟院

漏澤園 缺

恩平縣養濟院

漏澤園 缺

德慶州養濟院

在西廂孝通坊 漏澤園

龍水縣養濟院

基址近邑屬壇 漏澤園 缺

封川縣養濟院

在城西門外 漏澤園

開建縣養濟院

在城外一百餘步 漏澤園

高州府

茂名縣養濟院

在歸民關外 漏澤園 在屬壇左

電白縣養濟院

漏澤園 俱在城東北二里

信宜縣養濟院

在城外 漏澤園 在城東

化州養濟院

在陵水驛之後 漏澤園 缺

吳川縣養濟院

在城南一里 漏澤園 在城外東北

石城縣養濟院在鎮寧橋西漏澤園

廉州府

合浦縣養濟院在府治東門外嘉靖八年李尚達建三十四年知縣胡濟世重脩

漏澤園

欽州養濟院在州治西門外久廢知州林希元就故址重建漏澤園在州治西

門外嘉靖四年知州林希元設扁廢十八年知州林希元設扁

靈山縣養濟院舊在城西南天順元年知縣林錦建成化二年遷長春門外正德五

年僉事林錦重建嘉靖三十四年縣丞秦采重脩漏澤園在縣治一里正

高公昇建久廢

雷州府

海康縣養濟院在城西漏澤園在城

遂溪縣養濟院在縣西北郭登俊萬洪武三年知縣王淵建漏澤園

徐聞縣養濟院漏澤園

瓊州府

瓊山縣養濟院在府城東漏澤園在府城北

澄邁縣養濟院舊在縣內漏澤園

臨高縣養濟院舊在城隍廟之傍漏澤園

定安縣養濟院在縣治後今圯漏澤園在厲壇西知縣傅

義塚今圯

文昌縣養濟院在縣治傍今廢漏澤園

會同縣養濟院

在縣左

漏澤園

樂會縣養濟院

在縣西半里久廢

漏澤園

倍州養濟院

遠年無建嘉靖三十二年知州潘時宜建

漏澤園

在州治北郊外

舊厲壇之左

昌化縣養濟院漏澤園

萬州養濟院

在天寧寺右向官道洪武間建廢漏澤園嘉靖八年知州常邦相改社稷壇

澤園

陵水縣養濟院漏澤園

崖州養濟院漏澤園

感恩縣養濟院漏澤園

論曰古之積貯也以利民今之積貯也以病民蓋歛
之不時散之無節均之蠹政而已語曰川源不能實
漏卮山海不能贍溪壑今賑貸之令非不行於有司
也利孔多而利源塞也商賈牙僧百計侵漁開報審
實悉憑書算得不償失如之何其有實惠以及民也
孟子曰鄉田同井出入相友守望相助疾病相扶持
則百姓親睦後世不行井田之法豪強兼并貧弱日
至於流徙况異其有無相資成親睦之俗乎夫善為
政者能使人不欺而下不失利權其豐熟以為散歛
常平之法最善矣然制之在官不若制之在民誠能

倣古社倉而默寓井田之法於其間豫擇行誼爲同鄉所推服者以司會計庶其侵牟而不稽其生息且收養孤老賙以餘贏毋使死徙出鄉則窮民咸霑卹典之仁奚煩有司爲哉慮其弊萌則會鄉衆歲一覈之奸人不得竄食其中則惠亦周徧矣否則奸吏反行掎克鬪散衣糧之數歸諸總領而公私兩病茲固有司之宿蠹也由此揆之井田遺意寓於社倉其萬世之良法乎

贊曰國無儲積民必不足預備之餘政先筑獨掩柴著令惠民設局老有所歸幼有所育統於社倉是在

明牧

廣東通志卷第二十七

廣東通志卷第二十八

政事志一 公署上

公署其文事之所從出乎古者聖人南面而聽天下其大夫師長罔不奉公勤民朝聽晝訪夕修夜寐厥有常所故能懋建厥績綏和有衆畔官離次遐棄厥司則刑首及之吾廣公署周末楚庭肇開五羊秦漢之際自西徂東粵人漸出叢薄南武之初蓋禁如也交部自羸隲而蒼梧乃徙治番禺之都而廣州實統百粵位著始恪有常矣昔冉求言有政而仲尼以為事蓋政公而事私也孟氏言生



於心害於政以及於事蓋政大而事小也文武並
 用德刑不偏藩臬綱之守令紀之公恒制私大必
 馭小而巡臺察焉洪武之制度越唐宋萬世其亡
 弊矣乎羔羊退食之風吾敢望于有位者志公署
 秦南海尉署始於任囂居龍口西岸萬人城趙佗亦
 居之設尉一人視守皆秩二千石是時越人竄入藜
 薄佗於是徙近南海郡去今省城西二十七里致招
 來焉既乃入治番山之隅因周末楚庭之舊其署在
 東二百步宋為壘倉先是粵王子孫臣服於楚踰嶺而南
 止於斯開楚庭曰南武威王時有五羊銜穀之祥佗

因築五羊城周南海郡凡十里

吳地記曰海濱有吳王闔廬與越結怨相

伐築城名曰南武城以禦越越王子孫因稱之有南武侯織趙佗因稱南武帝○黃瑜詩南武城邊逢落暉玉人歌舞未會歸尉佗沒後誰朝漢榕葉陰陰鴈北飛

漢南海郡治番禺縣去府城南五十里牂牁江水出

于城下建安十五年交州刺史徙治于此後改交州

牧俄而復舊吳分交州為廣州俄亦復舊二十二年

刺史步騭用治中姚文式言徙治五羊城因尉佗故

國築而固之刺史以六條問事非條取問即不省

疆宗豪右田宅踰制以彊凌弱以眾暴寡二條二千石不奉詔書遵承典制背公向私旁詔守利侵漁百姓聚斂為姦三條二千石不恤疑獄風厲殺人怨則任刑怨喜則任賞煩擾刻暴剝截黎元為百姓所疾

山崩石裂妖祥訛言四條二千石選置不平苟阿所
愛蔽賢寵頰五條二千石子弟恃怙榮勢請託所監
六條二千石違公不止阿附乘傳周行郡國期常以
豪彊通行貨賂割損正令

八月錄囚徒考殿最初歲盡詣京都奏事中興但因
計吏不復自詣京師然多所誅求以獻權要南海民
甚苦之至於交廣分州而天下亂矣其佐吏則有別
駕治中主簿功曹書佐各一人各有從事史列署內
外今不可考晉制刺史任重者為使持節都督輕者
為持節皆銅印墨綬進賢兩梁冠絳朝服領兵者武
冠梁刺史受命之明日辭宮廟而行同姓皆持節庶
姓則假節迄陳多任子弟族屬以致侵漁致亂隋文

帝開皇九年平陳開廣州總管府以統嶺海兵馬列
置公署於刺史之西今都州以治民事府以治軍旅
循州亦開總管府于龍川郡煬帝大業初俱罷之後
合州府為一或改刺史為太守因革無常
唐嶺南道以邊方有寇戎之地加以旌節謂之節度
使其府治即舊刺史署居之或以都督充節度使或
以大臣出任皆得以軍法專生殺行則建節府樹六
纛凡兵甲財賦民俗之事無所不領號曰都府內宅
為公解外聽事為衙朔望吏卒排二十二州庭參聽
令有府二曰綏南番禺又有經畧軍屯門鎮兵故軍

府以廣為盛 杜甫送李大夫赴廣州詩 斧鉞下青冥
 日月籠中鳥 乾坤水上萍 王孫文人行 垂老見飄零
 ○韓愈送鄭權尚書赴南海詩 番禺軍府盛 欲說暫
 停盃蓋海 旌幢出連天 觀閣開衙時 龍戶集 上日馬
 人來風靜 爰居去官廉 蚌蛤廻 貨通 獅子國 樂奏武
 王臺事 事皆殊 異無 嬾屈 大才 ○張籍詩 聖朝選將
 持符節 內制 宜時 百辟 聽海 北 蠻夷 來 舞 踏 嶺 南 封
 管送圖 經白 鵬飛 遶 迎 官 舫 紅 槿 開 臨 讌 客 亭 此 處
 莫言多 瘴 厲 天 邊 看 取 老 人 星 ○王建詩 七 碓 雙 旌
 貴人皆 不 意 迴 戍 頭 龍 腦 鋪 關 口 象 牙 堆 勅 設 薰 鑪
 出 蠻 辭 况 節 朝 市 宣 山 賊 破 金 賤 海 船 來 白 豔 家 家
 織 紅 蕉 處 處 我 已 將 身 報 國 莫 起 望 鄉 臺 ○劉禹錫
 寄 馬 大 夫 詩 漢 家 旌 旆 付 雄 才 百 越 南 涼 統 外 臺 身
 在 絳 紗 傳 六 藝 腰 懸 青 綬 亞 三 台 連 天 浪 靜 長 鯨 息
 映 日 颿 多 寶 舶 來 聞 道 楚 氛 猶 未 滅 終 須 旌 掃 雲
 雷 ○和 馬 大 夫 詩 隱 逐 華 夷 凡 幾 時 今 來 舊 府 統 戎
 師 象 筵 照 室 會 詞 客 銅 鼓 臨 軒 舞 海 夷 百 越 酋 豪 稱
 故 吏 上 州 風 景 助 新 詩 秣 陵 從 事 何 年 別 一 見 瓊 章
 如 素 期 ○朱慶餘詩 傍 海 多 荒 服 分 符 重 漢 臣 雲 山

百 粵 路 市 井 十 州 人 執 王 來 朝 遠 懷 珠 入 貢 頰 連 年
 不 見 雪 到 處 即 行 春 ○劉 長 卿 送 徐 大 夫 赴 廣 州 上
 將 壇 場 拜 南 方 羽 檄 招 遠 人 來 百 越 元 老 事 三 朝 露
 繞 龍 山 晴 山 連 象 郡 遙 路 分 江 淼 淼 軍 重 馬 蕭 蕭 畫
 角 知 秋 氣 樓 船 逐 菴 潮 當 今 輸 貢 賦 不 使 外 夷 驕 ○
 皇 甫 誕 送 徐 大 夫 赴 南 海 詩 舊 國 當 分 闕 天 涯 答 聖
 私 大 軍 傳 羽 檄 老 將 拜 南 海 旗 位 重 登 壇 後 恩 深 弄 印
 時 何 年 諫 獵 賦 今 日 飲 泉 詩 海 內 求 民 瘼 城 隅 見 島
 夷 由 來 黃 霸 去 自 有 上 台 期 ○殷 文 珪 寄 廣 南 劉 僕
 東 詩 戰 國 從 今 却 尚 文 品 流 才 子 作 將 軍 畫 船 清 宴
 蠻 溪 兩 粉 閣 閑 吟 虛 嶠 雲 暴 客 郵 戈 歸 惠 政 史 官 調
 筆 待 儒 勳 漢 儀 一 化 南 人 後 牧 馬 無 因 更 夜 聞 ○韓
 愈 送 鄭 權 尚 書 序 嶺 之 南 其 州 七 十 其 二 十 二 隸 嶺
 南 節 度 府 其 四 十 餘 分 四 府 必 使 其 佐 啓 問 起 獨 嶺 南 節
 度 為 大 府 始 至 四 府 必 遣 賀 問 致 水 土 居 謝 守
 帥 或 道 過 其 府 以 為 禮 歲 時 必 遣 賀 問 致 水 土 居 謝 守
 擣 鞞 迎 于 郊 旣 至 大 府 帥 必 服 左 揜 刀 右 屬 弓 矢 帕 首
 拜 庭 之 為 者 大 府 與 之 為 讓 至 一 至 再 乃 敢 改 服 以
 賓 主 見 適 位 執 爵 皆 興 拜 不 許 乃 止 虔 若 小 侯 之 事 以

大國有大事容而後行隸府之州離府遠者至三千
 里懸隔山海使必數月而後能至寶夷悍輕易怨以
 不其南州皆岸大所依險阻結仇黨機毒矢以待將
 吏撞塘呼號以相和應蜂屯蟻集不可爬梳好則人
 怒則獸故常薄其征入簡節而疏目時有禽獮之
 究切之長養以兒至紛不可治乃草羅而禽獮之
 盡根株痛斷乃止其海外雜國若耽浮羅流求毛人
 夷直之州林邑扶南真臘于阇利之屬東南際天地
 以萬數或時候風潮貢蠻胡賈人舶交海中若嶺
 南帥得其人則一盜盡治不相寇盜賊殺無風魚之
 災水旱厲毒之患外國之貨日至珠香象犀玳瑁奇
 物益於中國不可勝用故選帥常重於他鎮非有文
 武威風知大體可畏信者則不率往有他事長慶三
 年二月以工部尚書鄭公為州帥尚書兼御史大夫
 往賤其任鄭公常以節鎮襄陽又帥滄景德棣歷河
 南尹非州刺史皆有功德可稱道入朝為金吾將軍
 散騎常侍工部侍郎尚書家屬百人無數畝之宅命
 奉以君可謂貴而能貧為仁者不富之效也及是命
 朝廷莫不悅將行公卿大夫士苟能詩者咸相率為

詩以美朝政以慰南行之思韻必以來其佐列署十
 字者所以祝公使成政而來歸疾也

內者有副使一人王昌齡別陶副使歸南海詩南越
 刀留贈長相憶常取戈船萬戶侯○李群玉送于少

監副使自廣州還紫邏鳴皋山水似麻源謝監東遠
 憶舊園海國烟霞經露冕洛川花鳥待迴軒宦情薄

去詩千首世事閑來酒一樽翰林張司馬南極文章落上
 通籍入司馬一人國製文冠冕通南極文章落上台

金門三殿去碑到百蠻開野館濃化發文章落上台
 詔從細雨來不知滄海上天遣幾時迴判官二人張

春帆廣州周判官詩海郡雄蠻落津亭壯越臺城隅
 齡送映水曲萬家開里柳榔出時禽翡翠來觀風

百雉映水曲萬家開里柳榔出時禽翡翠來觀風
 尤未盡早晚使車迴○杜甫送二十四司直克嶺南

掌選崔郎中判官兼寄韋韶州選曹分五嶺使者歷
 三湘才美應推薦君行佐紀綱佳聲期共遠雅節在

周防明白山濤鑑嫌疑陸賈裝故人湖外少春日嶺
 南長憑報韶州牧新詩昨寄將○得廣州張判官書

使還以詩代意鄉關胡騎遠宇宙蜀城偏忽得炎州

唐書卷三十一

信遙從月峽傳雲深驃騎幕夜隔孝廉船却寄雙愁
 眼相思淚點懸○姚係送周愿判官歸嶺南早輝望
 秋鳴夜琴怨離聲○姚復念遐阻淹留慕平生晨奔九
 義人感激事縱橫○復念遐阻淹留慕平生晨奔九
 衢錢暮始萬里程○山驛風月樹海門烟霞城○許
 源近拾翠沙瀨明蘭蕙一為贈貧交空復情○許
 送嶺南盧判官歸華陰詩習事劉現鴈塞空十年書
 劍任飄蓬東堂舊屈移山志南國新留煖海功還掛
 一蓬青草上更開三徑碧蓮中關西親友如相問
 許滄浪伴釣翁○高適送柴司戶克卿判官之嶺
 外詩嶺外資雄鎮○高適送柴司戶克卿判官之嶺
 詞曹海對羊城關山連象郡高風霜驅瘴癘○信涉
 波濤別恨隨流水交情脫寶刀有無不適用矣莫
 徒勞○于邵送房判官巡南海序兩河稽誅為日舊
 矣固示迷惇惺聞于天法將汗濱罪余無赦是用調
 發集于東郊瞻上將於五道興王師之十萬千金之
 賈實經度之別有監府既博之川不較其損益哉則天
 漢武事邊窮兵蜀士以內小謀大而不較其損益哉則天
 下恬辭不御史中丞包公專其事衛倉曹房公分其
 我國慎兼御史中丞包公專其事衛倉曹房公分其

巡公莫姿英發相門流慶於公忠為已任以學行為
 身文蹈和以全直脩睦以合義長途逸翮則未可泚
 冬十月桂林務要番馬利往輕械既具高帆欲張煌
 焯元公相映式瞻之助具誰不懷桂管經畧觀察使
 姻水王相映式瞻之助具誰不懷桂管經畧觀察使
 范陽盧公惜雲雨為別恨江山楚間置酒高會徵詩
 寵行邵支使一人曹從上廣州支使王拾遺明時應
 序諸側來詩應盛島嶼檄盾照功曹書記一人杜甫
 從帝幾度陪苑節營巡海邑迴功曹書記一人杜甫
 風雷歸廣州詩南海春天外功曹書記一人杜甫
 功曹歸廣州詩南海春天外功曹書記一人杜甫
 小湖日落船明交趾丹砂重韶州白葛輕幸因君賈
 客將寄錦官城○寄廣州段功曹詩衛青開幕府楊
 僕將樓船漢節梅○寄廣州段功曹詩衛青開幕府楊
 浦使將旋萬病他○參謀無定員或一人或二人參議
 鄉老煩君萬里傳○參謀無定員或一人或二人參議
 楊參軍詩南方春景好念子緩歸心○方脫野服冠
 未繫朝簪足恣平生賞無虞外役侵洲觀鳥戲向
 月和猿吟稅駕楚山廣揚帆湘水深探奇難問歎
 勝即楓林悵望極霞際流情墮海陰前期杏難問歎

息灑鳴琴○賈至送夏侯參軍赴廣州聞道衡陽外
 由來鴈不飛送君從此去書信定應稀雲海南濱遠
 烟波北渚微勉哉孫楚吏綵服正光輝○韓翃送劉
 評事赴廣州使幕詩征南官屬似君稀才子當今劉
 孝威蠻府參軍趨傳舍交州刺史拜行衣前臨海
 無人過卻望衡陽少鴈飛為報蒼梧雲影道明年
 送客帆歸○權德輿送嶺南常評事赴使序大夫杜
 公用德禮威信訓齊南海居二年以部從事檄召京
 兆常君溫文裕叢銳於術學在綺榻青矜之歲粲若
 命其徒榮之且揆楠巨餘不產培塿則知天鍾美茂
 亦多在世德其要在聿脩之不怠而已彼吏理與將
 命事之細者况新發於硯礫刀屐不折不缺之戒豈
 足為執事道耶予嘗被公辟書辱在下介顧以多病
 不敢遠遊南方所祈執事者恭訊見及則隨軍四人
 詳言笑化佇為中和樂職之頌以行下情
 分使出入○元結送孟校書初喜海南海乃是魑魅
 鄉忽見孟夫子歡然遊此方初喜海南海乃是魑魅
 張漂漂隨所去不念歸路長君有失母兒愛之似河
 陽始解隨人行不欲離君傍相勸早旋歸此言慎勿

忘○劉長卿送張司直越嶺南謁張尚書詩番禺萬
 里路遠客片帆過盛府依橫海荒祠拜伏波人經秋
 瘴癘鳥墜火雲多誠憚炎州裡無如一顧何○孟浩
 然送王昌齡之嶺南洞庭去遠近楓葉早驚秋峴首
 羊公愛長沙賈誼愁○數年同筆硯茲夕間衾洞庭
 沉痾疾更貽臆憂愁○數年同筆硯茲夕間衾洞庭
 今何在相思望斗牛○馬戴送從叔赴南海懸天際雲
 秋色起哀鴈更難聞身住海邊郡帆懸天際雲洞庭
 羅翠鳥瘴嶺控蠻軍消息來非易堪悲此路分○張
 籍送侯判官赴廣州從軍年少才多求自展將身萬
 里赴軍門辟書遠到開呈客公服新成着謝恩驛舫
 過江分白堊戍臺當嶺見紅旛海花蠻草連冬有行
 處無家不滿園○朱餘夢送劉思復赴南海從軍七
 千里別寧無恨且貴從軍樂事多不駐節旌先候發
 偶逢山寺亦難過蠻人猶放畚田火益歌○元結送孟
 坡遠作受恩身不易莫拋書劍近笙歌○元結送孟
 校書往南海序平昌孟雲卿與元次山同州里以辭
 學相文幾二十年次山今縣守春陵雲卿始與校芸
 閣於戲材業次山不如雲卿辭賦次山不如雲卿通
 和次山不如雲卿在次山又謝然求進者也誰言時

命吾欲聽之次山今且未老雲卿少次山六年雲卿何事
 卿名聲滿天下知已在朝廷及次山之年雲卿歸南海
 不可勿隨長風乘興蹈海勿愛羅浮往而不歸南海
 幕府有樂安任鷗與次山最舊請任公為次山一白
 府主趨裝雲卿使北歸慎勿令別有巡察按察巡撫
 徘徊海上諸公第醉歌送之
 等使後改按察為採訪處置使又改為觀察使皆列
 署于外然不時至至則汛掃總管府居之
 至張九齡使
 昔年嘗不調茲地亦遼迴本謂雙鳧少何如駟馬來
 人非漢使橐郡是越王臺去去雖殊事山川常在哉
 送使廣州詩家在湘源任君今海嶠行經過正中
 道相送倍為情心逐書郵去形隨世網嬰因聲謝遠
 別綠義不緣名○杜甫送重表姪王評事使南海我
 之曾和姑爾之高祖母爾祖未顯時歸為尚書婦隋
 朝大業末房杜俱交友長者來在門荒年自餬口家
 貧無供給客位但箕箒俄頃羞頗珍寂寥人散後入
 惟鬢髮空吁嗟為之久自陳剪髮髮市鬻克杯酒上
 云天下亂宜與英俊厚向竊窺數公綸綸亦俱有次

間最少年乳髯十八九子等成大名皆因此人手
 云風雲合龍虎一吟吼願展丈夫雄得辭兒女醜秦
 王時在坐真氣驚萬戶及乎貞觀初尚書踐台斗夫
 人常肩輿上殿稱萬壽六宮師順柔法則化如后至
 尊均嫂叔盛事弗不朽鳳雛無凡毛五色非爾曹往
 者胡作逆乾坤沸嗷嗷吾客在馮翊爾家同遁逃爭
 奪至徒步魂獨委蓬蒿運紫遊韁飛走使呼號自
 下所騎馬右持腰間刀左牽紫遊韁飛走使呼號自
 活到今日寸心銘佩牢亂離又聚散宿昔恨怡怡水
 花咲白首春草隨青袍廷評近要津節制收英髦此
 驅漢陽傳南汎上龍舳家聲肯墜地利罷當秋毫番
 禹親賢頌籌運神功操大夫出盧宋寶貝沐脂膏洞
 主降接武海湖乘鯨鯨或駭騰天聊作鶴鳴皋
 能陷糞土有志乘鯨鯨或駭騰天聊作鶴鳴皋
 孫逖送趙評事攝御史監軍嶺南議獄持邦典臨戎
 假憲威風從閩闔去霜入洞庭飛篁竹迎金鼓船樓
 引繡衣明年降真月南斗使星歸○包何送常侍御
 奉使江嶺諸道催青苗錢遠近從王事南行處處經
 手持霜簡白心在夏苗青迴○符載夏日盧大夫席送
 因吾吏絕域萬物盡來庭○符載夏日盧大夫席送

敬侍御之南海序今天下司王職之官官立帥帥立
 屬制置茲久繁冗日甚二年春皇帝以易簡之道大
 黜冗吏詔近臣冠惠文冠者四人分郡國以擢之
 所至邦刀布粟帛有廢供辦二人以千六百石得自考
 課殿最以聞朝廷重其奇能其人以南海盡得而董
 清明上才克荷斯任故自黔中距于嶺嶠鄂管
 連帥御史大夫盧公闢以高管羅以籩豆搜文以錢
 之禮也先是大夫至公闢以高威儀江無通曠養名餼
 肅物莫不震揚我大夫政有和裕賦無重君者以
 朝問侯君不震揚我大夫政有和裕賦無重君者以
 恪敬也且君有以見天之王之臣行者以威重者以
 年矣至於靡弊等劇方今郡寇底定生人始泰如肌
 腸凍骨易施饘粥是行也軌大中扇皇風決滯克察
 賢良使海隅蒼生沐浴汪濊者正在於此豈獨責得
 逋之賦乎小子濫以儒列廁末座大夫欲卑淺者得
 申其志猥而命之載文樓山林詞樸意拙跪受簡其
 續伏用醜汗然各請賦五言一章頌皇皇之盛者其

庭館之西有饗軍堂元和九年冬十月御史大

夫嶺南節度使扶風郡公馬總始拓而大之柳宗元

嶺南為五府府部州以十數其大小之戎號令之用
 則聽于節度使焉其外大海多蠻夷由流求訶陵西
 抵大夏康居環水而國以百數則統于押番舶使焉
 內之幅員萬里以執秩掛稽時聽教命外之羈屬數
 萬里以譯言贊寶歲帥貢職合二使之重以治于廣
 州故賓軍之事宜無與校大且賓有牲牢饗嘉樂
 好禮以同遠合躡軍有犒饋宴饗勞旋勤歸以群力一
 心於治也開闔階序不可與他邦類以厚棟大梁
 夷庭高門然後可以充於揖讓下周於步武今御
 史大夫扶風公廉廣州且專二使增德以於來遠人申
 威以脩戎政大饗宴合樂從其豐盈先是為堂於治
 城西北陴其位公北向賓眾南向奏部伎于其西視
 泉池于其東淵奧庫側庭廡下陋日未及哺則赫炎
 當日汗取更起而禮莫克終故凡大宴饗大賓旅則
 寓于外壘儀形不稱公於是始斥其制為堂南面橫
 八楹縱十楹饗之宴位化為游目偶亭以展聲彌望極
 衣之次饍食之字列觀以游目偶亭以展聲彌望極
 顧莫究其往泉池之舊增濬益植以暇以息如在林

壑問工焉取則師與是供問役焉取則鑿隸是徵問
材焉取則階宇是遷或益其闕伐山浮海農賈拱手
張目視具乃十月甲子克成公命饗于新堂幢牙茸
璽金飾析羽旌旗旆成飾于下鼓以蔽晉金以鐸
弁裳芻衣胡夷蛋蠻雅軒就列者十人上吏咸次于位
節燔炮赫炙羽鱗翟牙之物沉泛醜盜之齊均候于
卒士興王之舞服夷之伎揆擊吹鼓之音飛騰幻怪
之容寰觀于遠邇禮成樂遍以叙而賀且曰是邦臨
護之大五人合之非是堂之制不可以備物非公之
德不可以容衆曠于往初肇自今茲大和有人以觀
遠方占之戎政其曷用加此華元名大夫也殺羊而
御者不及霍去病良將軍也餘肉而士有饑色猶克
稱能以垂到今矧茲具美其道不廢願訪于金石以
未示後祀遂相與來告且乞咸通中分嶺南東西二
辭宗元讓不獲乃刻于茲石

道為東道節度使府乾寧初陞清海軍後劉隱鑿平
番禺二山之交壘石建雙闕其上為譙樓補曰清海

司隱辟王定保置幕府後弟龔龔位欲僭號定保
從龔遣定保使荆南馬殷乃建國定保還見補額
在謂龔曰吾入南門清海軍額額南漢僭竊多所更
在四方其不取笑乎龔乃去之
易名許度使府曰乾和殿其西改構有景福龍應思
閣語在古蹟○黃瑜詩含珠亭下草萋萋玉夜池
邊鳥自啼前度劉郎何處所履綦曾到紫薇西 鑄
鐵柱十二迄宋猶存云

宋經畧安撫使司即唐節度使署皇祐四年始詔知
廣州軍州事兼兵馬鈐轄帶經畧安撫使擇置秘閣
以上官克之名為廣帥改雙闕為雙門扁清海軍大
都督府儀門列戟一十有四前為設廳中為治事廳
元符二年經畧使柯述拓而正之求南漢鐵柱尚存

其四因實前楹而別建經畧安撫廳於其西

造記紹聖四年夏六月朝請大夫何公以秘閣經畧

南海公溫陵人常通守臨漳帥福唐按曹湖湘之間

聲名溢於南海久矣故南海之人聞公之來習知其

愷梯忠厚而悅之未愛而親不令而孚谿谷島嶼下

上民物翕然大和公至視事舉一二便民之政民益

感化而幾無可為者觀府門監庫偏處東隅官寺民

居交隘必側與轉轡乃克有適公顧而嘆曰田夫起

茅舍必立表側景以求其端斬荆棘以爲戶必引繩

正位爲先南海部州十有五統縣四十生齒數以辨方

番舊雜居寶貨通會五嶺之間無與比大而廼元戎

之宅甲陋若此甚非所以昭天子節制慰安遠人至

出且今國家累聖樂育萬國陶化小邦下邑美才錯

氣猶蘊而然與惟譙門之舊適臨通衢而宣詔堂適

對其衝廼崇譙門而新之廼易宣詔堂而大之上起

層樓以壯麗譙中爲複門之廼易宣詔堂而大之上起

軍旅又據取劉氏鐵社於荒草汙泥間曳置立堂

下由是出焉洞重倚逾譙門以抵城闔以臨漲海其

袤三里其徑如矢作始於秋八月成於元符二年春

二月光州人於飛觀大夏殖翼若掃閉霾而觀

騰星也豈特豁然稱快而已哉形正則大氣和地興

則百物生自茲始矣公廼圖其狀書其事遣使走京

師求記於積中積中從公之遊實有年矣每見公語

治民之要必端容而誦曰聖人感人心而天下和平

故聞公之治廣也鄭仁厚之心而少刑罰之威則其

於興作宜必有以順民而弗傷也嘗讀五代史見劉

氏蕃殘酷至於炮烙剔而有不忍言者而其自奉乃

有玉堂珠殿窮天下之奢南海之人罹其毒也可勝

慨哉今天下久蒙德治天子命帥又得仁厚如公者

宜益樂從其所興之役也蓋自開寶四年潘公美縛

銀以致闕下而民得更生以涵沫太平之澤者百廿

有三年矣求其所謂王堂珠殿之跡皆成灰燼而石

門而鐵柱特以不朽者廼爲今日帥臣構堂之用使

星郎從此播芳猷詩窮雅道能清唱官重名曹未白

文

三

頭望斷巖村煙樹遠吟殘嶺月海風秋三年政滿迎
 丹詔諫署重膺反席求○余靖和董職方見示初到
 番禺五方殊俗難古併千載猶存故越城客聽潮鷄
 迷早夜人瞻颺毋識陰晴波濤洶湧天邊潤犀象
 斑徼外生太守不才當耕其屬通判二人南度後省一
 官○穆脩送魯廢農耕南海序為人之佐其難矣哉夫
 令而政者其長之所專也從而輔之者其佐之所守
 也凡政有害於公者有悖於理而必言之道則政有必
 而必從豈已之所能哉苟上無必從之道則政有必
 失之患為其佐者罪先及之故曰為人之佐其難矣
 哉然則如何其可也曰盡其職而已矣上焉者賢已
 當公而輔之非已之職歟正之而不從則雖獲罪及有
 材輔與正非已之職歟正之而不從則雖獲罪及有
 之矣於其職也實無媿焉今之從事二人者或莫率
 是道不涉於欺則照於隨居上者其人果賢其政果
 明是一言為之損益吾何以食其官即疆出白黑以紛
 無一此非欺而何居上者其人果賢其政果不吾
 亂之宜直之於下以救其過已則曰我為人佐言不吾

專力與為敵徒速悔累肩若附離唱和取容免責苟
 全吾位而去此非隨而何予謂士之居其位事其人
 既不可欺亦不當隨不欺不隨唯職所宜而已矣魯
 君以辭學中名自邑佐而遊肥幕皆有所稱今將復
 佐於南海際南之鉅府也方聞其長則是天行苟
 諫臣賓接僚屬當獎正與直用是以往志必上行苟
 上下協公以從于理予見南海之政司理參軍初名
 獨追於古而荒夷之民決其惠也司理參軍初名
 參軍以新進士及選人司法參軍掌議法司戶參軍
 為之掌獄訟勘鞫之事司法參軍斷刑司戶參軍
 掌戶籍賦稅各一人後以兵馬鈐轄事屬軍旅置主
 倉庫交納稅各一人後以兵馬鈐轄事屬軍旅置主

管內機宜文字及書寫各一人擇有文學者為之皆
 列署于內其右為西園蔣之奇建石屏堂其下有池
 百餘步列石甚富劉氏所謂
 明月峽玉液池也田翰改曰頤堂○余靖寄題田待
 制西園善政偏修舉增完池館清地含春氣早月映
 暮潮生石有羣星象花多外國名與民同雉兔邀飲
 醉蓬瀛翰墨資吟興雲泉適野情鎮應持左鱗快欲

廣雅
 卷三
 三

繪長鯨積霽藏樓閣馴鷗識旆旌其棠留美蔭高倚
越王城○寄題廣州田諫議願堂退食公堂暇應無
俗慮侵簾開雙燕外吏散百花陰海城道遙
境榮途淡薄心政成先養正惠愛及民深淳祐中

方大琮因司後圃址建元老壯猷堂李鼎英記堂之東有

亭曰連天觀閣西曰先月樓臺南運石洲奇品于前

運甕齋饗軍堂對敞其上存古也後改為郡治

轉運使司在航海門內僊湖街南漢南宮舊址開寶

六年廣南平除徐澤為轉運判官其後置轉運使以

知廣州軍州事李符無之嘉祐中始定置司署改偽

漢南宮為之中為廳事設東西二廳以居副使及判

官廳事後有瑞芝堂宋紹興三年二月墓門右柱產
金芝一莖八葉三月再秀分莖

至十六葉五年復產金芝莖數疊出一
根二十一葉事備運使黃倫記不存前有景濂堂

泉池上有秀陰亭運判黃朴所建久前為濂溪書院

元季俱廢趙希畫寄廣南轉運陳學士極望隨南斗
迢迢思欲迷春生桂嶺外人在海門西殘

日依山盡長天向水低遙
知僊館夢清夜怯猿啼

元廣東道宣慰使司都元帥府至元十六年因宋舊

署改建前為儀門三公廳五間亦曰正廳即宋設廳

年扁曰常衙廳五間即宋治事廳乃後堂抱厦亦曰

廊列署于內者宣慰使都元帥二人同知宣慰使司

事副都元帥二人宣慰副使僉都元帥二人又其前

為經歷司正廳三間庫房二間架閣庫座東西司房

門樓一座司房十間

三十列署于內者經歷一人都事二人提控令史二

人皆華夷相半列房于內東西相向泰定二年都元

帥忻都重建程準記行名牧欽承際天所覆惟粵南

負山瀕海東閩西桂藩屏夷夏當諸番朝貢軍賓之

衝實南交一大會府初政以宣無列郡行樞密院以

調兵符刑德異尚寧一問功迺收樞柄蓋使以帥名

開都元帥府銀章金莞建宮東僚甲穀耕屯刑禮之

篆二十人宣威馳奏者如之通事知印各帳關人譯史

二幕府典籍者倍之帥擅闕鉞議幕吏舍帳關戈戟

兩階隆棟霓連千楹如貫三帥坐堂坐佐二寅協吏

左右鴈鷺行肅以進士羅虎先後案鞫鞞袴府首聽

處分崇且嚴若此豈教逸欲有邦哉鎮重而權專職

分而材聚蓋將尊瞻視張國威攝裔夷柔遠人耳又

豈直苟美邪自職方籍貢距今五十年因仍簡陋賜

履南海者寧無一日必葺之思軍興調度輒分其服

材力工費有司擅度山使民非其上則執法者已闕

其後故宰曠厥居用敢以便安速吏詳延祐丙辰資

政馬速忽公出晉任旬宣七稔宅生安遠一再補治

元帥忻都公趾美拜後百廢咸舉諗于衆曰天子命

我幢才茸壽日費歲縻承宣指授之所敢視之猶傳

舍乎捐俸率先佐二賓僚下逮胥史喜聞恐後合官

幣積餘三百萬市村餽備梓煨陶琢獻技攻工受直

恐負外皇內寢棟宇增煥遠譙近節樓觀凌霄路門

嬰圃騎坊星棋環布完舊盜新材裕人之室兵廬武庫

經洽泰定乙丑決旬竣事壞久而成速宜有述以垂

後竊嘗觀公之治粵以廉為本以靜為勝致海波清

地止人不能息而公食足兵固古方伯連帥之所難也

若夫羅太倉以備歉饑清資選而按寒滯雪沉寃於

無告之餘回天憲於淫威之手則又數千軍還方遠

臣之所未公真廉而能也若不取不庭予小廉曲謹

自潔其身無補於民生休戚者大有逕庭矣問問在

席縉紳併懔皆公所營度闔垣岌業國之其崇乎粵

人喜祠龍驤亦唯曰廉而已人心路碑千古一政

事有堂公行且召雖然公以公明嚴密之政以寬平

敬簡之心用能就同列於功名整叅謀之忠實智畧

詩京請卷五

五

甘勇之掾心悅誠服莫不以國士效報以一特得人
宜善爵氏以俟來績是役也計度者史秉燹馮恕程
督者劉宗信承直郎前廣
州路總管府推官程準記至正末改江西行中書省

洪武初左丞何真歸附改廣東行中書省左丞何真
北道平南將軍廖永忠師至梅嶺遂歸款

真率父老編素大臨於常衙聽然後降附

元海北廣東道肅政廉訪司至元中因宋經畧司改

建司今都前廳三後廳三抱厦五耳房二列署于內者

廉訪使一人副使二人僉事一人分巡海北列署于

外事今斷後改經歷司正廳一耳房二司房一東西司

房六架閣庫一監房一至元末可仁重修范

仁座右銘案牘洞洞自自意意司司可可贊畫厥政風霜嚴肅

雷震號令繼之忠信禮義無競守此四者勿長八病

低昂持衡左右偏聽開闔機關塵埃心鏡巧塗且平

陰措陷井或福作權殺生是秉戒茲遠茲乃德乃行

濟以寬猛弦常其性事儒事吏希贊希聖凡在幕賓

愈宜克敬○機密銘天機不密四時何行地機不密

百物何生人機不密萬事何成噫天地人三才同盟

元廣州路總管府本宋廣府西園舊址至元十六年

開設前廳三後廳三抱厦五列署于內者達魯花赤

總管同知府事治中府判推官各一人又於宋壯猷

堂故址之東設經歷司正廳一架閣庫一經歷知事

提控案牘通事各一人列署于其北府右設錄事司

正廳三大門三列署于內者達魯花赤錄事錄判典

史各一人掌城中戶民之事以發行獄訟歲命西臺

廣東通志卷之三十一

侍御史巡察之

呂弘道送黃侍御巡察廣州詩誰為

月露詩仍好一路風霜正不迷滄水幾人懷濯足

金千載笑燃臍祖孫勲業相輝處會見天階七政齊

本朝廣東等處承宣布政使司本唐清海軍節度使

廣州大都督舊址元為廣東道宣慰司洪武二年改廣東行中

書省叅知政事周禎開設六年叅知政事汪廣洋重

建扁其堂曰宣德廣洋自記廣東行中書省重鎮也

徽而更新之鳩材度用公為繕給趨事赴役民不告

勞乃於洪武四年八月十有三日興作是年十二月

二十有八日落成蓋將謹藩維崇政務非九年改為

永宣布政使司公堂間五泊水廳三間後堂間五穿廊

間舊後門三間三樹塞門于其內東西司房十四

後堂之外為架閣庫二間儀從庫三間在廣豐庫

正廳三間泊水廳三間三門三其從極北曰紫薇樓

間在本司三門右舊五仙觀北

一名列署其前者左右布政使各一人胡虛白送布

粵望

上仙人醉玉桃東湖春水蒲東臯綵舟如坐青天

會向龍門奪錦袍○劉昌陪左右方伯燕集詩清時

遊燕紫微東車騎紛紛擁上公山雨暗添榕樹綠水

雲低護藕花紅半生憂國多日事萬里安邊已奏功

帝鳥聲中春未老莫教閒放酒盃空○右布政使翁

大立愛樹堂記予既名所居廳事曰愛樹堂或過予

曰昔召伯分陝而治憇棠樹下布其政于南國既去

而人愛其樹作其棠之詩故今稱布政使曰方伯稱

廣通志卷三

正事

十五

曰名曰民所不宜愛一曰貨吾將立天心立民命興
 致太平則此身天下國家之身也敢不愛歟立身而
 名苟損黜即不得為人名之所關亦甚大敢不愛歟
 吾為大吏制一方而民不蒙貶身與名且因以辱敢
 不愛歟夫貨則民之心也愛貨失民心失民者身
 名並失故善愛者不以彼易此吾顧斯樹也策精神
 甘糲糲母節即恣淫是愛身嗜數陰則思民象直
 翰則思立節不可則思止是愛名食荔實思民阻
 饑采木棉思民無衣慈清陰思民勞止是能愛民匪
 是之思而曰嶺南沃土淳民珠犀齒革異香華綺文
 木奇石所自出我思致之是曰愛貨差乎將愛貨
 之愛歟將愛身愛名愛民之愛歟或曰君猶樹也愛
 貨是自翦也民猶樹也愛貨是翦民也勿左右參政
 翦勿伐詩不云乎予悟其言作愛樹記
 各一人左參議二人一員管糧右參議一人各衙公解一
 十二所周列于東西皆南向後立五庫于堂上下左
 右凡二十四間以便出納嘉靖三十二年左布政使

張整重脩堂之東為經歷司正廳三間泊水廳一間西為照壁

所正廳三間泊水廳一間堂下夾以東西廊舍五十間東為吏

戶禮承發房勘合科西為兵刑工房聲息科儀門之

東有土地祠舊名后土祠三間汪公祠舊土地祠並祀故丞

整始創建少東為理問所舊在景和街洪武二年理

分為二所年改入本司儀門之左紫牆聽司獄司隸焉正廳三

間後聽三間左右司房各五間儀門三間提控察牘

聽三間聽三間司獄司三間監房一間所解三所吏舍一十八間司獄司三間監房一間所解三所吏舍一十八間

大門之外建牌坊者三南曰承宣今改百東曰豐樂

西曰泰和裴淵廣州記漢署廳繪畫五羊啣穀以兆

翰其榜房則輔于門之左右取周官縣象之制焉昔榜

共武永樂間刻板誅謬貪
暴皆圖形其中以警官吏

布政司清軍道舊為海北道在西甕街舊五羊驛址

天順三年清軍御史豐城宋榮增脩改為察院嘉靖

四年改建正堂三間後堂三間穿廊一座東西耳房各一間東西廂房各一間東西司房各一間儀門三間三門三間

右布政清軍者居之

分守嶺南道在城隍廟左天順中叅政龔毅闢廟餘

地創建扁曰紫薇分署正廳三間後廳三間大門三間後為公廨今為海

北道嘉靖十年革去市舶內官其公館在郡西武安

街南宋轉運司舊址布政司叅議王洙白于巡按御

史吳麟改為嶺南道正廳五間穿廊三間後廳五間左右廂房二十二間儀門廳三

間東西耳房二間大門二間視舊尤弘壯遂分署為海北道

糧儲道在永豐倉內近察院後嘉靖六年巡按御史

王德溢開拓巡臺遂包括其前通衢而改縮之

嶺東道在番禺縣右嘉靖十一年叅政徐乾因直武

廟舊址改建初為嶺西道後改嶺東道正堂三間後堂三間左右廊房

各三間後宅房六間儀門三間大門一間今虛此以待使客而

改石龜倉右清軍察院為嶺東道

嶺西道舊在小南門內後因闕割幼男虛其公署嘉

靖四年叅政祝續改建于崔府街即舊白衙正堂三間後堂

三間因舊總兵府規制東西兩廊房尤為深廓

廣東等處提刑按察司在府西南洪武二年改鹽倉

街舊鹽課司故址開設元肅政廉訪司先改廣東衛

創八年署司事監察御史鮑忠以衙門狹隘乃闢司

之東舊千秋寺址以廣之正堂間泊水廳間後堂間

穿廊一座兩廡為架閣庫八賊罰庫三左為經歷司

水廳三間泊司之南為吏戶禮承發房共二十右為

昭磨所所廳三間泊所之南為兵工聲息勘合科房

共二間列署于內者正衙按察使一人在後堂之北

副使二人僉事五人各一南面周列于東西吏舍僻

在東隅四間儀門之左有土地祠復建東西二門石

各門外各監坊牌東曰肅紀今改西曰澄清今改

十五年副使孫浩復闢司之南街增創司獄司司

監房東門內東南列署曰海北道自外分巡還者居

之正德中僉事吳廷舉猶居此以成化五年聽事將

圮按察使黃溥撤而新之規制宏麗胡榮記治必有

廳則百司庶府所具瞻貴高明嚴整素綯適均斯瞻

者起敬無慢易焉廣東按察司舊治廳事創自洪武

紀元之初迄今踰百年歲月既久棟宇傾圮塗墍毀

敝弗蔽風雨乃成化己丑憲使黃君溥暨憲僉王君

始鳩工購材大相厥規庚寅夏五月上日甫立柱石

而黃適去僚家咸以茲役未就為懼居無何憲副呂

君洪繼掌司事遂與憲副孔君鏞憲僉方君必暨榮

同白于欽差總督兩廣軍務兼理巡撫右都御史

韓公欲續成厥緒公命取有司在官銀錢用之呂君

廣東通志卷三十一

十一

十一

計畫周密弊革而事集不數月落成聽之深廣仍舊
基崇視舊增尋軒豁爽闊衆材具良五色雜繪而文
采黜聖不相勝煥然有輝溢于山川城郭間瞻者咸
曰美哉傑構之新也諸同列胥慶曰事有廢興政由
人立當與廢理弊之時匪寬弗克宏其規匪密弗克
就其緒惟諸君克寬以經始克密以成終此聽所由
新而政所由立也於是復以休暇張筵樂諸來慶者
衆舉酒屬樂曰願子記之榮從同寅大夫之後用廣
慶辭而記曰蒞事於廳聽之美也固可安吾身而新
民之瞻視然安吾身而不安吾心者惑也新民視而
不新下而德者未也夫今風憲之職上而天子耳目
攸寄下而百司紀綱攸關生民司命攸繫有言焉必
忠有行焉必敬有好惡焉必正俾四目明四聰達百
官正庶事舉萬民和群慝息然於下者惡有不新其
職既盡吾心斯安而民之觀感私則百僚罔攸師政
德乎一或反是而肆為欺慢偏墮其職外將有尤內
罔政以民罔攸寧而吾職墮矣墮其職外將有尤內
將有悔而吾心難安焉君其勉之矣科日敷歷中外以才
名顯擢司政外臺其素履固無忝于職矣而都憲公

亦嘗副憲是司克振揚職業以近
重而猶能注意於茲役故仰聽
告來

分巡嶺南道在郡南承宣街右洪武八年因館驛舊

址創建為按察司聽理總道會布政司後因巡撫居

之永樂十二年僉事李約改建于其北舊寶泉局道舊

為巡撫行臺改舊正堂後堂三穿廊一東西耳房

各儀門三嘉靖三年僉事祝品重脩內增

亭臺門外東築照垣編脩黃佐記始予葺垣屋之類

嘆曰嗟乎政有因舊以為新俗有格惡以為善者其
賦諸此矣對廬為嶺南分臬之署始亦頽不治間過
之則輪奐翼如問諸僉憲曉溪祝君君曰是淫祠之
構也答委諸草莽而吾不遘遺焉予喜與予意合及

文書

郡倅劉侯瓊以記見屬予又問焉曰君之陳臬也德
威大鋪刑祥盜弭值時蘇歲豐猶不忍役吾民乃役
隸兵之逃伍者以故成諸不日而官民不知其費夫
節用時使愛民明鬼正俗政之善物也一舉而五善
備焉而使衰不勝正公不病私不亦建乎是役也肇
工左而右庶為役房凡六迤于後為堂十二楹為臺十
楹為亭八楹乃及于前廳事臺去堂曰悍惺名其堂曰
臺由橋不踰十武既落之名其堂曰沮洳之田過者熾
清風名其亭曰觀物若志也今夫沮洳之田過者熾
然稿人奏功染盛是之自出昆靈草木之驚且毒也
以意通之必司命之權而病者利衣褒帶博羽儀輝
光觀者欲而豔矣抑孰知其為亂繭之絲死牛之革
也推此類也物亡可棄惟人裁成之而已詩曰伐柯
伐柯其則不遠觀物之謂也匪惟物也於此得治人
焉夫夫盡人也盜賊奸究亦人也刀劍化為牛犢在
吾所風之夫猶是也詩曰翩彼飛鵠集于泮林食我
桑黹懷我好音清風之謂也匪惟人也於此得繕性
焉夫水亡有不澄夫性亡有不明澄其渾明其昏故
君子退省以居敬詩曰河酌彼行潦挹彼注兹可以
濟饘惺惺之詔也君名品字公叙衢之龍游人居家

以孝友聞起進士服政刑
部直僚有聲陟今官云

提學道在按察司東即宋漕運司西湖故址舊為濂

溪祠湖上建愛蓮亭正德二年提學副使林廷玉增

闢為崇正書院嘉靖元年提學副使魏校遷祠于粵

秀山下三年提學副使歐陽鐸始移塞門增築照垣

于其南改書院坊牌扁曰一方表率詳見書院志○

憲廣東提學詩儒官新出禁林中手捧天書按廣東

嶺表只今瞻使節島夷從此變華風霜隨白筆蠻煙

靜馬過青山瘴雨空萬里天

威應咫尺五雲回首鳳樓重

屯田鹽法道在分守嶺南道東嘉靖元年因中官常

眷淫祠舊址改建六年僉事方豪增脩前堂三後堂

三間扁左右耳房各三間前為儀門三間九年僉事李默

監脩理鹽政碑別建鹽法道于府城正南門外一里

許即批驗所故址嘉靖二年僉事臧相創嘉靖九年李默重脩

兵備道在鎮遠街東南即侯王廟故址祀任趙嘉

靖元年兵備副使王大用改建後廣州知府陳錠復

鎮海樓樓海道在提學道西南嘉靖元年因金花淫祠故址與

本司餘地相連海道副使徐鐸官價買民人董宅地

以足之前堂三間後堂三間前為大門右為官三年

而後落成

海北道在司門外東南詳見本司

嶺東道

清軍道二署俱在本司南惠福巷因本司餘地千秋

此而嘉靖元年用官價買民人曹宅地以足規制如

海道不備書

提督府行臺在城西即舊開元寺故址內有宋折彥

天順四年總督兩廣都御史葉盛始創正堂五間扁

又改穿廊座後堂五間扁左右耳房各三成化三年

都御史韓雍於堂東建運籌亭雲間錢溥記兩廣行

韓公謀夷之所也成化改元春今聖天子既御極

受群臣朝乃赫然怒曰蠢爾苗孽每我兩廣屢伐不

卷之三十一

俊驕悍茲甚豈守土非其人乎乃黜罰兩廣撫按暨
 三司之在職者尋命太監盧永陳瑄曰汝其監督
 我軍務命都督同知趙輔為征夷將軍命右都督和勇為
 廣官軍土兵之在行者汝皆將之命汝都督和勇為
 遊擊將軍曰維兩京遠官之在行者汝皆將之命汝都督和勇為
 部右侍郎薛遠曰汝其飲食予士以主事左明善王
 瑤從命監察御史汪霖劉慶曰汝往視師惟總理其
 難之兵部尚書王竑進曰維起公於折拜公都察院
 非其人不可天子曰然遂起公於折拜公都察院
 左僉都御史仍支正三品俸曰凡官軍汝其賞罰惟
 允其事機不可亦惟汝從底乃功公既受命會諸
 公于南京眾議欲分江西軍二千達官五百以遊擊
 由庚嶺入廣東逐之在大軍則從湖廣入廣西蓋以言者謂
 賊在廣東宜逐之在大軍則從湖廣入廣西蓋以言者謂
 成筭牢不可破公曰不然古者仗鉞臨戎專制閩外
 謂可安國家利社稷惟專之可也夫兵有聚而為正
 亦有分而為竒然選分則難度今兩廣已無完郡而
 大藤峽賊巢穴舍樂穴則不圖而援高廉雷東可以
 濟苟全師至彼南可以取柳慶北可以斷陽峒諸路勢如常
 應南韶西可以取柳慶北可以斷陽峒諸路勢如常

山之蛇動無不應舉無不克何煩於逐乎孫叔敖云
 寧我薄人軍志曰先人有奪人之心所謂薄之也何
 以困為公議既定師及廣西界即議委都指揮鄒宏
 廉忠策應廣東副總兵范信以截流賊在新會之西
 者委參將孫振彭倫守尋格南寧以斷
 大藤峽委指揮彭倫守尋格南寧以斷
 廣總兵李震隄備公則分營以進至全州陽峒五發
 偏師皆捷生擒渠魁至桂林嚴刑以示眾守城失機
 皆揮求瑛等數人披軍法行大辟威聲大振守城失機
 命衆謂乘勝宜直搗大藤峽公謂倚仁荔浦皆峽賊
 羽翼乃令遊擊和勇左叅將孫麟克右叅將葛宗
 蔭克而哨而公與太監總兵及廣西總兵歐信等領
 中哨刻日進勦又分五哨夾攻彌月而信等領
 遂平公乃大集將士諭以朝廷威福之重示以脩葺
 必可滅衆遂驩呼咸願死戰公知其可用益增器械
 盛餼糧督歐信孫麟及湖廣叅將高瑞都指揮夏正
 王瑛等五哨由峽後進公與太監總兵及廣西總兵歐信等領
 督指揮夏鑑全楊璵張剛彭倫柴政馬義梁泰等
 入哨從峽南水陸並進復令叅將孫震等二哨援于
 後而別遣將士斷諸山口賊憚勢蹙乃復掣其妻孥

輜重于極險桂州橫石寺塘等厓預於山南堅立排
 柵滾木礮石而下若雷標鎗機毒矢如雨公乃設伏
 規其力弛遂奮甲先登士魚貫而進聲振天地縱火
 烈焚日色晝暝賊果遁衆云險不可進公謂根株弗
 拔旋復滋蔓督進盜急直抵橫石等厓九層樓等山
 壁立萬仞勢控霄漢叢篁翳木蔽不見日公乃計遣
 壯士於賊所不備處攀緣至絕頂舉砲為應衆復環
 攻連數十合峽遂破矣前後得大小寨砲九百餘處
 擒賊首侯大猷等并俘獲男女三萬餘人而逃墜凍
 餓死者無筭公乃改大藤峽為斷藤峽刻石山頂以
 紀厥功初令士得一山則據一山破一寨則守一寨
 故賊無可反之計許生擒被擄男女以淮其功故士
 無妄殺之慘公既平峽威靈氣焰震耀嶺海奇功偉
 績榮映簡書雖漢有人燃運籌帷幄決勝千里無以
 尚之頌以詩曰於赫不緘不耕聚徒長亂以百越數年病
 此戎醜蠢爾狂孽不緘不耕聚徒長亂以百越數年病
 山阻險動機毒矢去孰其追來誰其止脩蛇封豕存
 食長驅惡貫腥聞天子曰吁我內侍往監軍務
 誰總予師曰都督勇克遊擊司徒轉漕御史紀功
 咸副予詔惟此總理而難其人僉曰惟韓宜以上聞

天子曰然起公于浙拜都御史便宜惟決師行半載
 破敵無堅斷藤開峽厥功偉焉樵蘇往來復其故土
 父老皆云前所未觀西廣有言疏少而棟今也累饑
 無遠不適東廣有言流剗動萬今也滅踪一跡不紀
 民樂而耕士飽而歌工作商賈陶然太和公亦有言
 我何采采伏天之威清此嶺海行臺之土有亭翼
 然勒文紀功西建喜雨堂曰後樂東西廂房各三儀
 以告後賢

門三門三賞功所前後間左右官廳各三
 在其南前後六間

南察院行臺在城內正南門少西即舊總鎮太監府
 天順改元都御史馬昂建正廳五間穿廊一後堂五間穿
 廊一間堂三東西耳房各三左右廂房各十儀門三
 東西小門各一大門三官廳前後東西吏房各一嘉

靖十一年巡按御史吳麟建孔道坊牌二左曰振揚風紀右曰克詰戎兵舊總鎮奮武敷文二坊改稱

巡按西察院行臺在郡西朝天街洪武三年始創即

國慶寺故址十四年開展東街布政使徐本復以興

化寺廢基增創建正堂三間後堂三間穿廊一東西耳房

各一東西廂房各一儀門三門三中門一大門一

嘉靖二年巡按御史涂敬闢西街修建坊牌二東曰

激揚西曰衡鑑仍創鼓樓於其右十八年巡按御史

王德溢以院後迫近永豐倉乃包廓糧儲道街以廣

之三十二年巡按御史蕭世延建坊牌于前三十九

年巡按御史潘季馴改扁曰御史臺其前坊牌二左

曰激揚右曰肅貞院之東通衢坊牌二南曰紀綱重

地北曰嶺海清霜

清軍察院行臺在郡東南預備倉右即布政分司嘉

靖四年御史楊銓改建今為分守嶺東道見前

貢院在郡城東北二里許宋淳祐十年經畧使趙汝

暨關州治并酒庫地為之元季毀本朝洪武甲子

鄉試乃於光孝寺暫設棘闈凡歷十有六科宣德元

年巡按御史金濂右叅政楊勉乃相地于東北隅西

竺寺故址鼎建天順五年巡按御史李良增闢都司

園地而廣之中為至公堂五明清堂五甬道前為聚

奎樓座左右為望樓二後為試官房所提調監試官

房十內簾掌卷房四執事官房受卷彌封騰錄及厨

庫房各十前為巡綽廳四儀門三外門三稍東又前

為坊牌臨衢扁曰貢院用鄭萬奎記我朝列聖相承

能故天下有司置試士之院衛之以年大比賓興賢

闡非遵故事也所以重科舉也重科舉所以重其得

人也廣藩舊貢院在城北隅院內堂宇皆南向外立

重門遂徑悉皆東南苟完而已形制狹隘委曲弗稱

况歲久頽敝滋甚而葺理未遑焉天順辛巳歲監察

御史弋陽李公良巡按是藩力挽風教作興士類意

嚴而且重也越明年壬午適當大比是院將修舉公

往視之嘆曰貢院為多士較藝場屋委隘敝陋若此

何以容眾而致防範耶乃召故老詢之僉復曰南有

官際地歲月既遠戎衛侵以為業創始者謀不及也

故其規制鄙陋僅爾公聞之亟命廣州知府沈宗廉

而取之得地深有三十丈餘廣綬深之十丈有三丈

遂謀之藩臬諸公開拓舊址經畫方正繚以周垣高

則一似有奇園則百堵具作中建至公廳堂左右為

廊廡以間計者百數以區別者十數至于司局之舍

庖廡之內兩旁為池畜水以杜窺覷外建牌樓九以

壯觀規模制度宏敞深邃煥然一新視昔倍有加矣

工力之費皆自公隨宜措置而民不知擾肇興於夏

六月之初吉落成于秋七月十日公巡歷東廣激揚伸

廣通卷三

卷一

卷一

卷一

仕進自待又安可苟也耶必當明正學行大道舍汚
 下而趨高明以體聖朝法古右文之心及公葺理
 作興之志斯無愧於豪傑矣噫公不特舉此一事而
 已仍命工伐石立進士題名碑新泮池之類圮於郡
 邑三學官所需財力蓋與斯舉均一致也茲用石刻
 圖併識之以為千古光耀庶俾來者皆於是觀焉
 其後飾以石甬路闢其前衢建坊牌二左曰考德右
 曰賓賢嘉靖七年左布政使謝迪鑿井六增西竺寺
 餘址以拓其西又建坊牌於通衢右曰觀文三十四
 年巡按御史孫永思以其北內庫其南陂袤皆闢而
 釐正之防範周密視昔益備

閱武堂在府城東教場景泰五年總督都御史馬昂

建為堂五泊水廳三東西廂房各三四衛廳各三前

為坊牌扁曰演武陳蓮記廣東百越之地秦漢置郡
唐宋迄元為節度帥府後置行省
 入國朝地歸版圖方數千里東抵閩浙西至湖湘
 南通海澤北界五嶺為嶺南大藩遂開設三司統其
 所屬各理庶務都司以總軍旅布政司以宣政教按
 察司以肅憲紀妙選廷臣名勲才譽素著者為之文
 恬武熙頌聲載道嶺南之人沾被恩澤者已八十餘
 年每歲諸番入貢使臣宴勞出使外國者咸集于此
 禮文之盛軼于前代惟是練習防閑少謹致海寇
 聚肆行僭逆侵犯宵旰之懷特遣股肱耳日大臣相繼
 安於巡撫鎮守今年夏四月總督兩廣軍務副都御
 史滄州馬公至羊城偕巡撫兵部左侍郎廣昌揭公
 總兵都督廣陵翁公按治清軍御史二楊公及三公
 諸公用材木磚石瓦甃皆在官贏餘弗取于民不欲
 落成為堂五間高丈有奇深廣如之聘望可見誠
 百里之遠非但集將校聽束約觀士卒操練而已誠
 為太藩偉觀也都憲公請文勒于真珉以垂不朽
 誼不可辭昔我太祖高皇帝以武功定天下教閱

之法未嘗少忘自京都及天下都司衛所咸有教場
操練軍士肆惟列聖續承丕業注意武備得保治
無疆之道孰謂講武練兵為不急之務乎宋太宗曰
兵雖衆苟不簡閱與無同司馬溫公曰兵患不精不
患不多斯二言實深知用兵之道者為將帥者苟能
以大神馬振旅治兵之法簡閱士卒務致乎精以此
行帥何敵不克何功不成也思昔周人敗符堅破
曹操水陸數十萬於赤壁謝玄以八千人際遇盛時
萬之師於肥水豈非兵之精乎今諸公際遇盛時深
知選務講武治兵於重熙累浹之世汲汲焉建其堂
副嚴操練之法俾嶺南衛所將校咸知所勸蓋有以
足輔張盛美而振耀之也遂叙其事以為記

廣州府在布政司西即唐饗軍堂宋經畧司西園元

總管府舊址 本朝洪武一年知府徐渙開設列知

府一人統掌同知一人清通判二人撫民督捕推官一

人刑理三十一年同知劉隆重建天順五年知府沈琮

修葺成化四年知府吳中建正廳五泊水廳三穿廊

三東宇三景賢堂三間在其前穿廊西六房三間及承發聲息科

俱東西相向後堂五間前為儀門三間外東西小門石

砌月臺甬道翼以石欄正廳弘治中毀正德四年知

府曹琚重建木石皆堅緻當馬站樹石垣嘉靖六年

知府范祿以常阜庫司獄司相近乃改後堂東西二

宇廳為庫而廊舊庫地為監西所又設女監於其外

今規制中為正堂堂東為經歷司設經歷一人知事

一人經知西為照磨所設照磨一人檢校一人勘核

廣通志卷之六 文卷一 三

後堂之東西為常阜庫北為正衙其各衙及軒宇周列于東西皆南向而吏舍各置于僻隅後為架閣庫

六房西為司獄司設司獄一人管東儀門東為土地

祠三間舊名後土門外少東為申明亭迤西為榜房

清軍廳在郡治西嘉靖六年知府范祿重建

督捕廳在清風橋東南

管糧廳在永豐倉內

理刑廳在儀門西

廣東鹽課提舉司在府城東南府學之左洪武四年

提舉薛友諒建舊在利通街洪武三年以元提舉司改按察司故改建于此正廳

五後廳五間東西司房各七間設提舉一人副提舉一人

初設同提舉後革吏目廳三間設吏目一人各有廳舍

廨吏舍十八間西為廣盈庫庫房三間成化十三年提舉江

朝宗重修別建批驗所于郡城南濠街

廣東市舶提舉司在府城外西南一里即宋市舶亭

海山樓故址見古蹟洪武初開創永樂元年提舉潘定

毀於兵燹景泰六年正廳三間扁曰後廳三間扁曰

左右廂房各三間庫房一百一十六間吏目廳三間額設

提舉一人嘉靖三十七年提督奏革去副提舉吏目

一人官吏廨舍三十六間解次有水心亭前有觀瀾亭其上有

閣瀕江樹坊牌曰重譯宋顏傳文詩飛閣挿煙霞目極滄海外晴烟忽聚散下視
 飛鳥昔清風過我前醉眼與景會山河變古今星月
 白明晦愁雲扶落日意似恐崩壞不知道途遠歸夢
 入空翠擬欲跨崇山一飽鯨鯢鱸前衢樹坊牌二東曰來賓西曰柔
 遠

陰陽學在承宣街醫學在西僧綱司孝寺道紀司

在玄 妙觀

南海縣治隋開皇十年開設於府城北蘭湖唐宋因

之唐張九齡二弟宰邑南海見羣鴈南飛因成詠以寄鴻鴈自北來嗽嗽度烟景嘗俟稻梁惠豈憚江

山求小大每相從毛羽當自整雙息侶晨泛獨鶴余霄警為我更南飛因書至海嶺

南海詩平生推久要留滯共三年明日東南路窮荒霧露天曠壤常寄酒素業不言錢道在貧非病時來

醜亦妍過山乘螭展涉海附樓船行矣無為限宗門有大賢宋梅堯臣送昭文劉少卿移知南海世緒

傳英德時才播令名錦細終襲慶桂籍舊升榮仕路登優績朝間服俊聲風樹著臺閣探尚冠簪纓墳衍

方謀學米霜未底清分夏膺閩寄須教治輿情會府資謀計中關念篤誠漢庭當繼好戎帳夫脩盟通弊

旋君節飛芻擁使旌舟車勤轉漕倉廩慶豐盈廉士祈甄用貪官愧竄驚鳳書來輦轂熊軾鎮荆衡壓境

無喧訟連疇近力耕騰謚聞五袴行樂護千兵道路織塵絕人家協氣生煥恩飛霄詔華序拜名卿更直

羣書府于宣百粵城祖筵徒戀戀仙軻重行行預元想歌來暮前期報政成上心方柬注元鼎佇和羹

遷于子城內洪武二年知縣吳允思徙建于城內達

德街西崇報寺址宣德二年縣丞駱順文重脩正廳後堂景泰五年知縣趙壯撤其故

制而中為正堂堂左為典史廳右為架閣庫額設知

縣一人縣丞一人主簿一人典史一人後堂之北為

新之

廣雅

知縣宅西為主簿宅東南為縣丞典史宅正堂東西廊列以六房承發舖長儀門內東西僻隅各為吏舍監房少東為土地祠其申明旌善二亭皆設于縣門之東西

番禺縣治漢始建于郡城南五十里今龍灣古堤之間填乃晉刺史

鄒岳刺史並治于此隋開皇十年改置南海縣乃於

江南洲上別置番禺縣其洲周迴約八十里疑即盧循城在

河南唐因之分治郭下唐劉長卿送李秘書郎赴南

依炎洲百口住故國幾人歸路識梅花在家看棗萼

稀獨逢迴鴈去猶作舊行飛皮日休送五羊李明府詩五羊城在蜃樓邊墨綬隨腰正少年山靜不應聞屈鳥草深從使翳貪泉解怒晴上臨朝檻燕婢秋

隨過海船一事與君消宋開寶五年併入南海皇祐

三年復分南海為番禺設縣治于州東紫坭港疑此即今

紫坭村在熙寧二年經畧使王靖度地創建歲久傾

毀洪武二年知縣吳誠仍舊址開設正堂完整餘未

及修永樂七年縣丞劉以敬等重建宣德正統間知縣翁靖陶啓相繼修葺於縣治西增建吏舍成

化三年知縣林睿重修嘉靖元年知縣吳廷對改創後堂及解

宇今縣制額設知縣一人縣丞一人主簿一人典史

一人後堂北為知縣宅東為縣丞宅西為主簿宅少

西南為吏舍典史廳在正堂之東宅亦隨之正堂東

西列以六房承發舖長架閣庫儀門之外為監房及

土地祠大門之東為申明亭西為旌善亭

順德縣治景泰三年開設規制未備天順三年知縣

崔瑀始廓而修飾之錢溥記順德縣所轄三都四十

正統十四年冲鶴堡黃蕭養賊聚徒為亂明年改元

景泰十四年冲鶴堡黃蕭養賊聚徒為亂明年改元

忠等訴南海十一都東涌馬寧西淋三都之民離縣

遠而瀕海故傲化而異亂割是三都而建縣于大良

則可治於是巡撫兵部侍郎揭傒集三司議聞于

上賜名曰順德三年四月二十七口也其縣東抵老

鴉岡西至仰船岡南極大良北距五斗口而大良東

北皆際水西控金榜山脊周圍一千里四百一十六步

計地五頃七十一畝舉南海縣丞周宜知縣事而開

越二年冬主簿楊騫始徙此而繼以余玠崔瑀李先

知縣事作東南二門蓋廳堂兩造儒廟學布按二分

司城隍廟山川社稷厲壇而土城則天順八年秋縣

承命勤築之其冬予自翰林待罪而至見諸山基布

水與田連絡不絕入其境城市深侵民勤生而士慕

學嶺南一壯縣也然規模草創體具尚未周乃撤故

增新置廳樓植成石亭繪門垣以耕桑政教圖俾

男女老幼過而見者知所警勸與夫增學舍葺城垣

標題文飾煥然可觀噫何治未匝月而邊臻是哉雖

然抑未矣凡設縣以新民者本之則豈是耶蓋在從

其欲而不拂其性則必申其教興之以禮樂也而不

計其功而不宣之以德義也而不問其類賞之而不

一人縣丞一人主簿一人典史一人蔣冕送順德馮

架閣庫東西列以六房及承發舖長監房額設知縣

也歸休有日矣具尔舟中為正堂左為典史廳右為

如雲之帆凌風濤觸蛟龍而不顧焉望其能濟耶予

民有勇且知方也而予何人斯遽欲探其本耶夫本

苟政焉頭會箕歛而已教焉頽滑解垢而已焉知其

本之謂孔門高第如由求輩尚曰為之二年可使足

由海也望之茫然其莫測使不造尔如山之舟張尔

帆以俟夫能濟君子

卷之三

三

三

越海涯絲衣還記舊游時雲霄莫漫誇鳧島田野誰
隣困爾絲池草幾番勞遠夢嶺梅何處寄相知平生
一寸心如鐵日後堂之北為知縣宅其縣丞主簿宅
飲貪泉也不移

在正堂西典史宅在廳之左縣外列申明旌善二亭

察院在門外布政分司在縣按察分司在縣府館在

公館在縣南城外

陰陽學在縣南門僧會司在縣南門道會司在縣南門

在縣南門外玄真觀

三水縣治嘉靖五年開設通判劉瓘創建額設知縣

一人縣丞一人主簿一人典史一人其規制正堂左

為典史廳右為儀仗庫前為六房及監房各東西向

後堂之北為解宇少東南為吏舍

部院行臺在縣城南河傍嘉靖三年察院在縣學之北

從化縣治弘治七年知縣劉弘創建額設知縣一人

典史一人正堂之東為典史廳右為庫堂下東西序

列六曹大門外為申明亭為旌善亭為榜廊其官衙

吏舍及監房帑庫咸具又圮嘉靖三十年知縣呂天

恩重建黃佐觀民堂記番馬而北六十里山谿之

治乙卯劉令宏深廣三五尋規制庫廨弗備正德

辛未震令貴始設幕廳而居廬視矧通逼城外風嶺環

昕往夕虛上下惟處相警視矧通逼城外風嶺環

未灌陽日子天恩來為尹施舍附綏民大蘇慝魚謂

日君侯之來勞咎茂革絕供億實紓惠我民而公

廣濟縣志

卷一

三

周寧宇其奚瞻乎亟請新之呂子曰未也民方興文
 文以興行而後情可用也已有餘積既終惠我民而公
 曰君侯之德版弗責稅戶有餘積既終惠我民而公
 周寧宇其奚忍乎復請新之呂子曰未也民方興禮
 禮以興樂而後義可使也而絃歌治矣既考厥績
 於是徵工備器撤舊易新植樹基石前為麗譙園
 重屋用警昕夕左右二亭曰申明曰旌善期無刑章
 有德也晉二十尋中為儀門容大高者九左右各為
 門焉各容小高者六晉門不十武為戒石亭又晉甬
 道四十餘武為月臺臺上為堂聽事之所也辨方巽
 向正位坤維名之曰觀民義取諸易云左偏為贊政
 聽幕職洵之右偏為庫者三前貯龍亭後貯黃冊中
 曰封寧儲羨在焉後堂則度傳廳而入左則正衙居
 廊前聽後室右則庫之門外各為吏舍內則案牘簿
 白望之聚如其東西道門外各為吏舍內則案牘簿
 書棧列有秩其前左為土地祠祠前為幕衙各為門
 焉右則因周二重深靚嚴固獨門於中以晉中雷內
 外示有別也統築外垣周于四隅言其崇與內垣
 比麗其廣倍舊十之七深倍舊十之三增庫為高庫

陋成壯室階門闥翼翼耽耽惟不治燕游池藥志在
 民也易曰人觀在上順而巽中正以觀天下洪惟
 聖明奉若天道大夫師長實欽承之皆有觀焉夫
 豈徒以方位為哉書有之曰爾身克正罔敢不正民
 心罔中惟爾之中蓋言觀我生者觀民也罔敢不正
 繇我則平均欲寬歎對在觀我生者觀民也罔敢不正
 萌教起於微眇合內外一人已觀之時義大矣哉是
 役也子來志勞不闕百日而落以仲秋實觀之月也
 鄉進士黎子民表率士民伐石請予紀厥
 成予惟嘉厥觀道故記于堂上以勸來者

東莞縣治即舊保安縣唐至德二年易以今名洪武
 初因之正統間知縣王尚編重脩景泰二年毀于寇
 天順六年知縣吳中重建中為正堂堂之左為典史
 廳右為庫前東西面為六房及承發舖長額設知縣
 一人縣丞一人主簿一人典史一人後堂之北為知

縣宅迤東為縣丞迤西為主簿宅東南為典史宅儀

門外為土地祠為監房大外為申明亭為旌善亭

察院在縣之右即布政 右縣按察分司在縣海

道在縣南頭府館舊在 廟右今

陰陽學在嘉濟廟故址 即醫學在華挂即關僧會司

在縣右道會司無

增城縣治漢時開設歷代因之元季毀洪武二年復

建額設知縣一人縣丞一人主簿一人典史一人十

四年毀于寇十五年知縣畢福重建宣德四年知縣

蔣謙重脩侍郎陳璉增城縣重脩縣驛記廣東古百

邑增城縣則建於建安六年隸南海郡晉宋隋唐因
 之宋開寶五年罷建尋復焉今隸廣州府縣治舊在
 東街後遷九崗村龜峰為主山大江環其東春岡居
 其右石嶺居其左山水明秀風氣淳固蓋一邑形勝
 也縣治昔有治本堂後燬于兵燹止存正廳吉禮始
 洪武二年頒郡邑公署圖式於天下知縣古禮始依
 式撤而新之外環以崇墉前建儀門內建東西司
 房中為治事正廳廳左為典史幕公廨吏舍則依式
 為之正廳歲久弊甚因工費浩大未遑土木之役雖
 暫脩葺非經歲久計洪熙元年詔百司許脩理一切
 公宇前為政者因循弗克舉宣德二年春二月全州
 灌陽蔣君謙由進士宰是邑斥豪未幾政務興舉顧
 斯廳圯壞乃與同寅縣丞劉亮主簿王賓典史黃陽
 等議曰縣治乃百里觀瞻之地而斯廳摧圯若其可
 後乎僉頌加以時和歲稔民力少紓興建之役其可
 以邑人蔣鑑郭質剛董厥事肇工於宣德四年秋七
 月落成於是年十二月規制弘壯締構精緻蓋足以
 起下民瞻仰矣邑土盧莊等以斯役之大不可無述
 以識興建歲月乃具顛末謁文為記予未及為之後

蔣丁內艱與其同寅相繼去近豫章奉新君珣來
 知縣事復有請以鈺諸石俾後人有所考焉若君
 可謂知所當為不沒人善矣夫增城自漢置縣以
 千有餘載公署脩建不知凡幾至我朝首領郡邑
 公署圖式於天下者蓋重其制官有恒居吏有恒
 而視事有廳所以為下民瞻仰前代未聞也柰何
 嘉也乎雖然一廳之建於邑政非大有損益今君
 等克知其所當為推而知其當為之大於此者必
 有為無疑矣予惟斯聽之完美而且慶邑人蒙其
 也於是乎書○唐壁送蔣大尹詩灌陽有佳士文采
 舟鳳毛心如水壺氣接秋旻高蚤年射策金鑿殿
 墨花粲爛神光絢名姓榮登進士塔一官拜命來
 縣花縣爭誇德政淳疫瘞予避沾恩千門弦誦勝
 如昨百里餘載酒或相過掃榻焚香論經濟別來不
 兩忘勢公餘載酒或相過掃榻焚香論經濟別來不
 見今兩年江山望斷空雲烟雪中未放刺溪棹仄
 又上朝船江城八月西風紫胡鴈南飛碧天冷兩
 岸蘆花鋪白霜千樹芙蓉爛紅錦此時相見情更多
 離愁暫做臨滄波低翻舞袖權不足擊碎玉壺在更

歌望山咫尺青雲路醉掃蠻箋贈君去
 後夜相思空月明人在蓬萊最深處
 制中為堂堂

左為贊政廳堂之前東廊列為六房後堂北為知縣

宅迤東為縣丞宅西為主簿宅東為典史宅左為儀

仗庫右為架閣庫儀門內東西各有獄兩厦東西各

為吏舍前為譙樓大門外左右列申明旌善二亭

察院在城南街鳳凰山布政分司在城南街鳳凰山府

館在城南大街鳳凰山左在城南街鳳凰山右在城南街鳳凰山

陰陽學在城北舊醫學在三皇廟右在公道

會司在會

香山縣宋紹興二十二年開設於七星峯下創建邑

人劉必從故宅元末徙於蓮峯

宮得其人則民安其業豈有外邑解哉邑視古子男

於治香山環海孤嶼土曠人稀昔為東莞縣之一鎮

紹興壬申始建為邑東南南海番禺新會東莞時零

分以實之從邑土陳天覺之請也歷百餘載更革

卒罕善地脉與廢蓋亦有數邪邑雖屢遷井則不改

至元二十年甲申春將仕即王公來尹斯邑滌篆之

初以政新民以學賦政如春而燠如秋而肅崇儒先

務也首葺泮宮勸農重本也次省徭役他至琳宮寶

利咸與更新成卒厥隸嚴加糾緝蒞事旬月逋者復

勞者安憂者泰眾咸宜之一日携邑父老訪縣舊治

於草萊之中嗷然曰民如子也邑如家也仁墟其家

欲屏赤子安輯得乎乃毅然率先以鼎建解字為已

任屏櫛翳畚尾際相陰陽捐已資市廢屋鳩工聚財

力甚勤也塵衣寒裳躬其勞也是以天與其時地奉

其利人輸其力經營於甲申之冬落成於乙酉之春

聽事堂廊房廡宇舍凡曩之頽然蕭然者今皆屹然

歸然矣邑人士交相慶曰胃中有全室然後能作室

堅硬春梁運巧心匠非公其孰能之吾知公不以

視縣不以傳舍視官舍方來事業有燦然耀人乎

者是也始創于王申重建於甲申申之為義也事

物興之候乎然而天不人而自癸而甲其氣數發而

復興之候乎然而天不人而自癸而甲其氣數發而

雖係於天而實存乎人微公吾誰與歸蓋碑在後之

事若夫銘公德萬世不磨有人心之美意將見公大

姓名遷次者必能觀公之盛舉嗣公之於無窮云公

書慶書不一名書與香山之名相為始終於無窮云公

名慶書不一名書與香山之名相為始終於無窮云公

詭並作候乃諡于眾曰縣有治治有堂所以為民宣

一

三

政化察邪正辨曲直者也風雨空穿梁棟撓折不新
 可乎成曰不新則上無以宣化之重下無以聳觀
 聽之嚴先後大夫秉邑政者輒資議營惟未興役
 以怠止或去今類賢侯民力得寬且全願各輸資效
 力期在必成侯遂謀諸邑簿唐君實委吏掌費慎計
 出入徵稅由是民益歡赴之工善吏勤忘所有事經始
 棄良材之秋落成于丁亥之夏邑士大夫叙其始未
 于丙戌之予聞今之居官者知厲民以自養而巳耳
 屬予記之如傳舍陵替於吾何有哉其或知所務矣
 其說公字如傳舍陵替於吾何有哉其或知所務矣
 後焉而平恤其或知恤其民矣而德政不加所惠
 不立罕能以其心是則雖欲使公字之類也者
 輪焉吾未見其成也必強之而後可乎強之則
 流於刑驅勢逼吾未見其成也必強之而後可乎強之則
 而怨生必矣張侯之善有三解民之倒縣以息其力
 侯民力之完乃謀創邑字而民爭竭力是不輕用其
 力其善一也農功荐收始不興工役悅於使民民忘其
 勞是使民以時其善二也不增舊制諗以尚朴費省
 而堅是節以制度不傷財害民其善三也備此三善
 所以得民之趨事赴工而事之有成宜矣昔乃康公

聽訟其棠之下民思慕之懷樹不伐予知異時民懷
 侯德觀茲厦宇之巍巍其亦昔之甘棠歟是可書也
 已是不可銘也已銘曰泰和維熙肅清邊夷官得其人
 政無不宜民樂其業化治以浹邑治孔新輪奐式協
 堂之渠渠民力之餘力靡民餘惟令之謨堂之翼翼
 惟民之式其式伊何惟令之德備哉斯堂之翼翼
 垂于千古邑以宋康全正丁亥庶慶劉復撰○元縣
 尹黃崇考滿自述詩製錦無才偶四年為憂民瘼覺
 革鎮公餘風月酬詩集客至琴書當酒筵縱使便枯
 南海井斷然不飲石門泉灘頭波浪雖云惡到底難
 傾載洪武三年縣丞冲敬仍於舊址創建成化中正
 月船
 堂傾圮知縣朱顯重建弘治八年知縣黎燦仍建後
 堂及廨宇今縣制正堂左為贊政廳前列以六房又
 前為儀門門外為土地祠為監房後堂左右為庫額
 設知縣一人縣丞一人
 嘉靖三十七年提督典史一
 府奏准革去主簿

人後為公解者二區其典史宅則附于贊政廳之東南而申明旌善二亭列峙于重門之外

布政分司

在縣治東

按察分司

在縣治東

府館在縣北拱辰街

陰陽學

在縣東

醫學

在縣西

僧會司 在無道會司

鎮街

新會縣治隋開皇十年創建歷代因之元末毀於兵燹洪武二年知縣吳卷重建天順元年知縣陶魯復鼎新之額設知縣一人縣丞一人主簿一人典史一人其規制中為正堂堂東為幕廳北為後堂左右兩廊為六房及承發舖長後堂北為知縣公解縣丞宅

在正堂東主簿宅在正堂西典史宅在儀門東北而

監房在儀門西南

布政分司

在縣東

按察分司

在縣西

陰陽學

在禮坊

醫學

在源坊

僧會司 在縣西

龍西

新寧縣治弘治十一年創建額設知縣一人典史一

人初設捕盜主簿一員

正德初革去

其規制正堂北為後

堂為知縣宅東為典史廳西為庫前序列六房儀門之西為監房東為土地祠大門為譙樓左右為申明亭為旌善亭

布政分司在縣東南按察分司在縣西南府館在縣西

陰陽學在布政分司右醫學在縣南明街

清遠縣治隋開皇十年創于鳳凰臺後唐司空曙送

南清風江色晚楚客獨傷春共對一尊酒相看萬里人猜嫌成謫宦正直不防身莫畏炎方久年年雨露

新洪武元年署知縣陳惟善仍舊址重建十四年毀

于寇是年知縣鄭孔實徙建于城隍廟故址宣德六

年知縣鄭性初正德五年知縣張欽相繼脩葺額設

知縣一人縣丞一人主簿一人典史一人其規制中

為正堂堂左為典史廳東西兩廡列以六房而庫房

隨附于堂之夾室後堂北為知縣宅儀門內之東為

典史宅東西六房後為吏舍大門內東為土地祠西

為獄外則申明亭立于左旌善亭立于右

察院在縣治左舊為總府洪武三十年布政分司在

治北後開為學宮乃改今所東按察分司在縣治北正德元年兵備道在縣府館在縣

治左

陰陽學在縣西即舊王廟基醫學在縣西即舊王廟基僧會司在

治東龍興寺

龍門縣治弘治九年於舊龍門巡檢司開設額設知

縣一人典史一人其規制中為正堂堂之後為公餘

亭少北為知縣宅左為典史廳少東南為本宅其六

房序于兩廡庫房附于堂西儀門外之西為監房縣

門之南則有申明旌善二亭相峙于左右

布政分司在縣之東比嶺南分巡道在布政分司之左府館在東

即舊仰山寺改建

連州唐始開創在城東街唐耿滂送友貶連州暮年

北飛鴈天涯南去人夢成湘浦夜淚蓋桂陽春歲月

茫茫意何時雨露新韓翃送李明府赴連州詩萬

里回南相孤舟入桂陽諸侯迎上客小吏拜官郎春

報柳花細初進木槿芳看承雨露速不待荔枝香○

唐柳宗元再授連州至衡陽酬贈別夢得詩去國十

年同赴召相歸日併隨回馬盡愁腸○劉禹錫廳壁記

名東過連山荆州同星分野壤制與番思相乃牙

此郡於文與荆州同星分野壤制與番思相乃牙

觀民風與長沙同祖習故嘗類三府中而別合乃牙

相欽而縣從以萬數回環鬱遠送高爭秀西比朝拱于九

疑城下之浸曰湟水田望之外交派秀而合輸以百數

淪故石鐘乳為天下甲歲貢三百餘斤富桂輪上且陶

柔澤故亭蕉為三服昔歲貢十筇林富桂輪上且陶

瓦故侯居以壯聞石侏琅汗水金碧故境物以麗

聞環峯密林激清諸松海風歐溫交戰不勝觸石轉

柯化為京颺城歛精岡踞高負陽土伯墟濕抵堅而

散藪山近谷化為鮮雲故罕權區泄之患亟有華皓

始以尚書外郎之善部而炎裔之涼墟也末真元年

遷也抵京師償其責故道為州司馬後十年詔以是

劉晃觀事得前二于石名姓于壁端宰臣王駿倖卿

夜書一

五

五

郡公之從筆武德距于今凡五十有七人所舉者四
君子猶振裘之於頰袖焉元和十一年七月二十四
日刺使中山洪武間改為連山縣十四年復為州知
劉禹錫記

州王彥銘重建歲久蠹朽額設知州一人統治判官

一人督吏目一人領首成化元年知州朱允重建方北

順發未連州缺知州巡撫都御史葉公請于朝願得
清恕公明之士魁此州之困吏部選於衆得松江朱

君允任之方是時變僚剽郡邑而車師駐其地征戍
供運之役旁午百不急之務悉罷不為州父老率子

弟具器用運木石圖創治事之堂公借方伯張公憲
使夏公聞而嘉異特允從之明年冬十月堂成又明

年乙酉秋外門重門成而官吏之舍帑庾之室燕宿
齋宿之廬不勝幾壓焉者去弊易新又次第以成僉

憲弋公按治見之亦深嘉異因語君曰更鼓分明為
好官燕樓之作似不可後君對以役父民困未可用

出請俟他年至成化戊子之春二月樓始大成當成
之日詔郡判合肥蔡君周以公至焉無事且還君與

之登崑告曰州治廢於永樂丙戌瓦礫蓬棘垂六十
年賴民之勤而復不可無記事願因君求之蔡君曰
諾於是具書幣介紹來韶庠為之文適此之藩府編
次於愛民者今之仕誰能有志於道德志於功名少
矣志於富貴者遇僻遠瘴癘之邦奇物所不產商賢
之欲未足民之智庸材低面苟且高則恣縱橫求稱其
足已而君之任適在蠻徠奔突不可有為之於頰廢
所施措無有驚世駭俗之事惟心之好即以易見之於
政心所無不好一不出諸口皆老生常談以去民益得從
行之未幾上好下同心蠻寇聞之遠引以去民心益
一事耕稼商旅裕于家足夫公上之遠引以去民心益
葉公之求吏部之昇誠得當州土人之心矣民之勤
可書君之德政不尤可書乎故不辭記之期君圖於
有終借於顯大且與後來者弘治十年知州曹鎬重
共圖之甦此州人於無極也

修飾方中為正堂堂西為儀仗庫左右兩廡為六房

前為儀門為衙門南為宣化坊其後衙帑庾禁獄咸具

布政分司在州治西正統七年知州徐達建按察分司在州治西南弘治十年知

州曹 編建

陰陽學在州治南 僧正司在光孝寺

陽山縣治唐以來開設歷代因之唐韓愈縣齋讀書詩出宰山水縣讀書

書松桂林蕭條捐末事迨得初心哀欲醒俗耳清泉潔塵襟詩成有共賦酒熟無孤斟青竹時默釣白雲日幽尋南方本多毒此客無懼侵謫譴其

自守滯留愧難任投章 縞帶竹答逾兼金 洪武三

年併入連州洪武十四年復置額設知縣一人典史

一人永樂元年知縣何以信重建正德五年知縣胡

文亨建監庫二所八年典史熊廷瓚建幕廳於堂東

十年知縣曾顯重建廨宇於堂北今縣制中為正堂

堂左右兩廊為六房堂東為幕廳廳後為典史宅堂

西為知縣廨宇大門為譙樓儀門之西為監房東為

土地祠

布政分司在宣北坊西 按察分司在阜民坊北

陰陽學原設在縣治西南今圮 醫學在縣治西今圮

連山縣治洪武元年縣丞程清創建二年改隸韶州

四年省縣入陽山十四年復設隸連州主簿藥本重

建革去縣丞額設知縣一人典史一人三十五年典

史王大年重修天順六年都御史葉盛右布政張瑄
 僉事弋立知縣孔鏞因山徑出沒奏遷縣治于鷄籠
 關內乃築城池疆理縣治當時緣西賊初平制度簡
 畧乃覆以茅弘治十一年知縣林高重建始覆以瓦
 縣制中為正堂北為後堂東西為六房後堂極北為
 知縣公廨正堂之東為典史廳正堂之南為外門重
 門其監房在正堂西南正德年來屢遭回祿仍復為
 茅茨

陰陽學在縣治南醫學在縣治西

韶州府古府治在湏水東蓮花嶺下唐初刺史鄧文

進移於武水西唐韓愈將到韶州先寄張端公使君
借圖經詩曲江山水聞來久恐不知
各訪每難頌借圖經將入界每逢佳處便開看○晚
次宣溪辱韶州張端公使君惠書叙別酬以絕句兼
金那足比清文百首相隨愧使君俱是嶺南巡管內
莫欺荒僻斷知聞○量移袁州張韶州端公以詩相
賀因酬之明時遠逐事何如遇赦移官罪未除北望
詎令隨塞雁南遷纔免壅江魚將經貴郡煩留客先
惠高文謝起予暫欲繫船韶石下上賓虞舜整冠裾
○韶州留別張端公使君詩來往再逢梅柳新別離
一醉綺羅春夕欽江總文才妙自嘆真翻骨相也鳴
笛急吹爭落日清歌緩送款行人已知奏課當徵拜
那復淹留南漢乾亨初大水淹沒錄事李光冊始徙
詠白蘋
 中洲今府治是也宋明道元年修建完整梅堯臣送
益知韶州詩韶州使君行請問韶石名傳聞古帝堯
石上奏九成鳳皇為之下朱鳥不復鳴舊祠亡玉堽
四亭安得平至南方熱酒曲江風物清○王安石為
韶州張殿丞書伏蒙再賜書示及先君韶州之政為

吏民稱誦至今不絕傷今之士大夫不盡知又恐史
 官不能記載以次前世良吏之後此皆不肖之孤言
 行不足信於天下不能推揚先人之緒功餘烈使人
 人得聞知之所以夙夜愁痛夜心疾首而不敢息者
 以此也先人之存安否尚少不得備聞為政之迹然
 嘗待左右尚能記誦教誨之餘蓋先君所存嘗欲大
 潤澤於天下一物枯槁以爲身蓋大者既不得試已
 試乃其小者耳小者又將民沒而無傳則不肖之孤
 罪大釁厚矣尚何以自立於天地之間耶閣下勤勤
 側惻以不傳爲念非夫仁人君子樂道人之善安能
 以及此自三代之時國各有史而當時之史多世其
 家往往以身死職不負其意蓋其所傳皆可考據後
 既無諸侯之史而近世非尊爵盛位雖奇雋烈道
 德滿衍不幸不爲朝廷所稱輒不得見史而執筆者
 又雜出一特之貴人觀其在廷論議之時人人得講
 其然不尚或以忠爲邪以異爲同誅當前而不慄訕
 在後而不羞苟以饜其忿好之心而止耳而况陰挾
 翰墨以裁前人之善惡疑可以貨褒似以附毀往者
 不能訟當否生者不能論曲直賞罰謗譽又不施其
 問以彼其私獨安能無欺於冥昧之間耶善旣不盡

傳而傳者不可盡信如此唯能言之君子有大公至
 正之道名實足以信後世者耳目所遇一以言載之
 則遂以不朽於無窮耳伏聞閣下於先人非有一日
 之雅論所及無黨私之嫌苟以發潛德爲已事務
 推所聞告世之能言而足信者使得論次以
 傳焉則先君之不得列於史官豈有恨哉
 子火至大脩 本朝洪武初知府錢旭創建廬陵陳
 額設知府一人統掌郡政同知一人清通判三人撫民督
 推官一人刑理經歷一人知事一人經知案牘照磨一人檢
 校一人勘核司獄一人管束囚犯宣德二年以府治地改
 建 淮王府遷府治于通濟倉十年王遷江西饒州
 正統十年知府 禮復 舊治正堂三後堂三餘各
 漸圯嘉靖七年知府彭六治重脩其規制儀門內有

儀仗架閣三庫俱在後堂東西大門內西為司獄司
 東為土地祠其外為申明旌善二亭
余靖記古者諸侯宮室車服各視其命之數故臺門露寢將將眈眈自秦人罷侯漢沿魏襲郡有守州有牧頒條詔專生殺慮其久而固人心必三歲而易之脩職貢於天子在千里外則通促其期有再替而易者故州民視刺史如路人刺史視公堂如傳舍民病尚不肯療矧肯完葺廨宇耶詔在番禺之比去天子都城三千里而遙故為遠官去留之心不固又可知矣皇上即位之八年以今尚書外郎太原王君守其土下車之始綱目咸振束黠吏以繩墨制強宗以斧斤威聲一馳境內知禁然後險者傾瘡者平痼者愈斃者醒仆者起昧者明霜清物寒日和春融畏愛所交衣被黔首於是中詔得比內諸侯蒲三歲而易從所請也政成事簡地居衝要寮室卑陋人何所瞻不欲視解舍如前人之所視民也

賦於民官有繕工不與其役煥諸侯之采章謹列鄧備其制分爭辨訟夙興夜寐外至中堂各有攸處皆徇公也
兕穴防奸簡書山積虎符領真器甲軍利對時二車加以層樓謹曝涼也接賢序賓容豆舉罈則有東西小聽地煖春早百卉先媚亭曰探芳疏池醜流一水迴合亭曰環翠射侯之亭曰百中可以不德也燕居之亭曰清虛可以熙神也翬飛翼舒不借不偏城隅一樓景最奇絕東溪北山秀在眉宇落成之日露襲竹栢味飴穎珠圓美可愛亭曰甘露紀嘉端也至於昏史分聯廩儲供上風雨之庇使葺之工既畢民吏趨走扶伏固請礮石刻文以紀成績星飛一介見辱嘉命謹按圖經控扼五嶺韶為交衢父老相傳虞舜南巡奏樂於此郡因以名西漢置曲江為南海之望邑西晉立東衡州居湖南之屬城齊梁為始興郡置內史以蒞之偽劉割劇折其地建英雄二州故始興之名移於他郡皇朝開國軍事政咸俾儒臣領之邑容經畧也
亡擬於舜韶彼則負矣唇齒相和也霞駁萬拱雲蒸

郡國最不善乎君以天聖庚午自殿中丞領銀蕘符期年之間再增秩至屯田員外郎則為郡之才之政焉萬乘知可見矣明道元年十一月日重建

清軍館在儀門東

管糧館在儀門西

理刑廳在清軍館前

察院在正西門即宋之布政分司在皇華街嶺南道在通濟倉

前兵備道在東門內分署在布政左府館澄清坊

陰陽學在府左醫學在陰陽學右僧綱司在大道紀司在

妙觀

曲江縣治唐末創于通闡門外宋因之余靖送曲江知縣趙節推

詩命將久征蠻騷然數載間一言巢穴破千里鼓譟開刀盾無私畜耕乘有復還居民此休息遺惠重行

山紹興初遷于城南門學愛坊丙子兵燬至元二十

一年復創於通闡門外延祐元年遷于譙樓東本

朝洪武五年知縣吉昌移于府治西南育民亭額設

知縣一人縣丞一人主簿一人典史一人宣德三年

以縣為長史司又遷於忠佑侯行祠正統十年王遷

凶仍為縣治歲又傾圮正德十六年知縣李源鼎新

之其規制正堂後堂不憲戒石亭六房庫房土地祠

吏舍監房儀門六旌善二亭俱備

樂昌縣治在武江門以梁天監七年建隋遷於趙佗

所築故址今縣西南元至正十二年為柳寇所

焚本朝洪武初知縣

遷於城南都化詳見

何初額設知縣一人世一人德十四年知縣李

增又大新之其規制正堂後堂幕廳戒石亭六房庫

房土地祠吏舍監房儀門大門申明旌善二亭俱備

布政分司即今嶺南道府館在南

陰陽學在縣醫學在縣僧會司在衆善寺道會司在明福觀

仁化縣治唐垂拱始建宋開寶中縣革而治廢咸平

二年復置於光宅鄉今治是也元末燬於寇本朝洪

武三年知縣何初重建額設知縣一人主簿一人

史一人永興四年知縣宋忠天順五年知縣羅

繼修葺成化十八年知縣張同重建嘉靖三年知縣

干祥重脩其規制正堂後堂正衙各衙幕廳庫房六

房戒石亭吏舍監房儀門土地祠大門譙樓申明旌

善二亭咸備

嶺南道在縣府館在縣

陰陽學在嶺南醫學在嶺南僧會司在金鳳寺

乳源縣治宋乾道二年建於吳塘德祐元年兵燬元

初重建至正十四年為寇所焚本朝洪武元年

知縣張安仁遷建於州頭津今之縣治是也額設知

縣一人典史一人正統景泰間知縣胡弼李鑑重脩
成化八年知縣孔俊重建嘉靖十九年知縣丁文隆
因地汗增培三尺有記其規制正堂後堂正衙各衙
幕廳庫房六房戒石亭吏舍監房土地祠儀門大門
申明旌善二亭俱備

嶺南道在縣治右

陰陽學

醫學

俱在城隍廟左

僧會司

在雙峯寺道會司

在城隍

廟

翁源縣治唐建于安陽里羅江迄宋下峇濠凜岑水
東細草岡凡四遷元大德間併入曲江縣治設巡司

本朝洪武初復建於長安鄉即今治是也知縣日裕
建額設知縣一人典史一人成化弘治正德間知縣
吳政顧節李錫相繼重修其規制正堂後堂知縣典
史衙幕廳戒石亭六房庫房土地祠監房儀門大門
為譙樓

嶺南道

在縣治左府館在縣治東

陰陽學

在縣治東醫學

在陰陽

僧會司

在翁山寺道會司

英德縣治即清陽縣故地宋英州守林渭夫送交代
秘丞歸闕詩分携何必恨
依依三載無私得意歸烟雨乍隨孤棹去鴛鴻重入
九霄飛舊題詩句刊文石新初儒宮在翠微後夜月
明回首處汀風蕭颯動行衣○明尚書張鏊晚眺詩
石室殘經掛薜蘿松風縹緲絳絳絳絳絳絳絳絳

轉寒翠亭前聞掉歌
洪武二年革州為縣將丞曹觀初建額

知縣一人與中
人三十一
縣熊友信重建

化三年知縣傅寧
二一
二千知縣立策各重修正

四年知縣嚴
亦重建其規制正堂後堂幕廳戒石

六房耳房儀仗二庫土地祠吏舍
監房儀門俱備而

以大門為燕樓

布政分司
舊在城西門外嘉靖五年改遷儒學遷司于舊學基
嶺南道
在縣城西

陰陽學
俱在縣北街
醫學
在縣西明化寺
道會司

兩雄府治在城南門內與北坊宋
十郎寺

建乾道二年
其修記今不存
元
定間壽而亲之

至元二年總管楊益至正二十三年通
道相

繼修刑
本朝洪武元年額設知府一人
統掌同

一人
清通判一人撫民督推官一人刑經歷一人

事一人
經知照磨一人檢校一人勘核司獄一人

因永樂正統間知府陳賜鄭述重修成化間知府

後江璞正德五年知府王啓李吉先後重新之其

制中為堂
三間扁曰忠愛
後堂
三間扁曰虛明

為知府解左右為庫東為儀從庫迤東為經歷司解

又東為同知解前
通判解西為豐積庫為架閣庫

又西為_在官解堂前兩字為一房各十中為戒

亭又前為儀門東為照壁舍門外東為土地

祠西為獄又前為譙樓門東西為榜廊各坊三

中曰東南首郡東曰_之江曰_之宣化東為申明亭西

為旌善亭

督府任玄妙行省在總府運在行省右通在總

布政分司在縣後街即嶺南道治在府兵備道治在府

陰陽學治在府僧綱司在仁壽寺道紀司在玄妙

保昌縣治在府東門外即古清昌縣治南漢乾和四

年初元季兵燹洪武元年知縣方仲谷重建永

間知縣徐子

甲為正堂

八縣丞一人主簿

少東為縣丞解西為主簿解堂之兩翼為庫前為

石亭東西序為六房為吏舍儀門內少西為獄外

少東為土地祠為大門為榜廊

始興縣治在北都陸源村宋淳熙十二年郡守

黃石遷陳即今治洪武元年額設知縣一人典史

一人知縣張仕於建南岸後廢于火正統

年知縣常義復建順知縣言濂弘治間知正夏

知縣

舜陸璽正德間知縣梁升谷重修制中為堂左右
 庫東為幕廳及解後為知縣解西為主簿廳南為吏
 舍堂之前中為戒石亭東西為六房西
 門獄外
 門左右為申明旌善二亭

嶺南道在城隍廟東公館在縣西

道會司在上封寺道會司在玄妙觀



廣東通志卷第二十八

